



中国国家图书馆  
NATIONAL LIBRARY OF CHINA

新刊古今歲時雜詠卷第十六

古詩

上巳上

上巳篇

張華



仁風導和氣  
 勾芒御昊春  
 姑洗應時月  
 元巳啓良辰  
 良雲蔭朝日  
 零雨洒微塵  
 飛軒遊九野  
 置酒會眾賓  
 臨川懸廣幕  
 夾水布長茵  
 徘徊存往古  
 慷慨慕先真  
 朋從自遠至  
 童冠八九人  
 追好舞雩庭  
 擬跡洙泗濱  
 伶人理新樂  
 膳夫然時珍  
 八音礪礪奏  
 有俎從橫陳  
 妙舞起齊趙  
 悲歌出三秦  
 春體踰九醴  
 冬清過十旬  
 盛時不努力  
 歲暮將何因  
 勉哉衆君子  
 茂德景日新



高飛撫鳳翼輕舉攀龍鱗

太康六年三月三旬後園會

暮春元日陽氣清明祁甘雨膏澤流盈習祥風  
啓滯導生禽鳥翔逸卉木滋榮纖條被綠翠華含英  
於皇我后欽若昊乾順時省物言觀中園讌及羣辟乃  
命乃延合樂華池被濯清川汎彼龍舟沂游洪源  
朱幕雲覆列坐文茵羽觴波騰品物備珍管絃繁會  
變用奏新穆我皇臨下渥仁訓以慈惠詢納廣神  
好樂無荒化達無垠  
咨子微臣荷寵明時忝恩于外悠三暮犬馬惟慕  
天賽為之靈啓其願邀願在茲于以表情爰著斯詩

三日洛水作

晉潘尼

暮春春服成百草敷英蕤聊為三日游方駕結龍旗  
廊廟多豪俊都邑有艷姿朱輕蔭蘭皋翠幕映洛湄  
沉鈎出比目奔弋落雙飛羽觴乘波進素卵隨流歸

三月三日應詔

晉閻丘冲

暮春之月春服既成升陽潤土冰渙川盈餘萌喜人  
嘉木敷榮后皇宣遊既讌且寧光光華輦僉僉從臣  
上蔭丹幄下藉文茵臨池挹與濯故潔新俯鏡清流  
仰睇天津藹華林巖泉陽葉峻宇奕飛梁  
垂蔭倒景若翔若翔浩白水沉龍舟皇在靈沼  
百辟周遊激濯清歌鼓柷行謳聞樂感和具醉斯柔



在昔帝虞德被遐荒干戚在庭苗人來王今我哲后  
古聖齊芳惠既今國以綏四方元首既明股肱惟良  
樂只君子今日惟康

已會

晉阮脩

三春之秀歲惟嘉時零雨既濛風以散之英華扇耀  
翔鳥羣嬉澄、淥水淡、其波脩崖逶迤長川相過  
聊且逍遙其樂如何

三日

鮑照

氣喧動思心柳青起春懷時艷怜花葯眼淨悅登臺  
提觴野中飲心愛因未開露色霑春草泉源潔水苔  
芟、濡露條嫋、承風裁鳧鷁掇苦薺黃鳥銜櫻梅

解衿欣景預臨流競覆盃美人竟何在浮心空自摧

三日遊南苑

採蘋及華月追節逐芳雲騰藉溢林疏鹿日華山文  
清潭圓翠會化薄綠騎紋合樽遽景斜折榮老組芬

應詔曲水作

顏延年

道躋未形治彰既亂帝匪懸衡皇流共貫惟王創物  
永錫洪筭仁固開周義高登漢祚融世哲業光列聖  
太上正位天臨海鏡制花裁樹之形性惠浸萌生  
信及朔冰崇虛非微積實莫尚豈伊人和寔灵所賦  
日完其朔月不掩望航琛越水輦賈踰嶂帝體鹿明  
儀辰作貳君彼東朝金昭玉輝德有潤身礼不愆器

柔中淵映芳猷蘭秘昔在文昭今惟武穆於赫王宰  
方旦居叔有睟獻蕃爰履真牧寧極和鈞屏京維服  
肅鬼雙交月氣參變開榮灑澤舒虹爍電化際無間  
皇情爰眷伊思鎬飲每惟落宴郊錢有彊君奉有禮  
暮帳蘭甸畫流高陞分庭荐樂析波醴豫同肆夏事  
兼出濟仰窺豐施降惟微物三如儲隸五塵朝散途  
泰命迺恩充報屈有悔可跋滯瑕難拂

車駕幸京口三月三日侍游曲阿後湖作

虞風載帝狩夏諺頌王遊春方動宸駕望幸傾五州  
山祗蹕嶠路水若警滄流神御出瑤軒天儀降添舟  
萬軸亂行衛千翼汎飛浮彫雲鹿琰益祥飈被綵游

江南進荆艷河激獻趙謳金練照海浦笳鼓震溟洲  
藐眄覲蒼崖衍漾觀綠疇人靈騫都野鱗幹聳淵立  
德禮既普洽川岳徧懷柔

三月三日侍宴西池

謝靈運

矧乃暮春時物芳衍濫觴逶迤周流蘭殿禮備朝容  
樂闋夕宴

上巳

謝惠連

四時著半分三春稟融爍遲、和景婉天、園桃灼  
携朋適郊野昧爽辭廊郭斐雲興翠嶺芳飈起華薄  
解轡偃崇丘籍草繞迴壑際渚羅時簌託波泛輕爵  
為皇太子侍華光殿曲宴齊謝朓



初吉云已芳宴在斯載留神曠有睇天儀龍精已映  
威仰未移葉依黃鳥花落春池高宴弘敞禁林稠密  
青墜崛起朱樓間出翠葆隨風金戈動日惆悵清管  
徘徊輕俏灞漣入筵河淇流昨海若來往觴肴汭沂  
歡飲終日清光欲暮輕貂迴首華組徐步

三日侍宴林光殿曲水 梁簡文帝

芳年留帝賞應物動天襟挾苑連金陣分衢度羽林  
帷宮對廣掖層殿近高岑風旗爭曳影亭罕共生陰  
樹花初墮蕪池荷欲吐心

三月三日率爾成詩

芳年多美色鹿景復妖遙幄蘭唯是旦采艾亦今朝

迴沙溜水碧曲袖散桃夭綺花非一種風絮亂百條  
雲起相思觀日照飛虹橋繁華炫姝色燕趙豔妍妖  
金鞍汗血馬寶髮珊瑚翹蘭馨起穀袖連錦束瓊腰  
相看隱綠樹見人還自嬌玉林鳴羅廡渠梳泛迴潮  
洛濱非拾羽滿握詎貽椒

三日侍皇太子曲水宴

震德叶靈年芳節做濯伊臨霸蕩心愉目驤騎晨野  
縱金曉陸蕙氣卷旌神飈薛轂曾岑偃蹇聳觀峒堯  
烟生翠竹日照綺寮銀華晨散金芝暮搖綠衣動葉  
丹鉅映條顧惟菲薄徒承恩裕藝季未優聲績不樹  
豈辨河書寧槁進賦徒偶羣龍終慙並驅去聲

三日林光殿曲水宴

梁沈約

宴鎬鏘玉鑿游汾牽仙輶榮光泛采旌脩風動芝蓋  
淑氣婉登晨天行聳雲旆帳殿臨春籞帷宮繞芳薈  
漸席周羽觴分墀引迴瀨穆、玄化升濟、皇階泰  
將御遺風軫遠侍瑤臺會

三日率爾成篇

鹿日屬元巳年芳具在斯開花已匝樹流鶯復滿枝  
洛陽繁華子長安輕薄兒東出千金堰西臨鴈鷺陂  
遊洛映空轉高柳拂地垂綠萍文照耀紫鷲光陸離  
清晨戲伊水薄暮宿蘭池象筵鳴寶瑟金餅泛玉卮  
寧憶春蚕起日暮桑欲萎長袂屢以拂凋胡方自吹

愛而不可見宿昔減容儀早當忘清土歎息獨何為

三日侍鳳光殿曲水宴

光暉蕙畝氣婉椒其皇心愛矣帝曰游哉玉鑿銜警  
翠鳳輶回別殿廣臨離宮洞啓川祗奉壽河宗相禮  
清洛漸筵長供流陞泗盪嘉羞搖漾芳醴輕歌易繞  
弱舞難持素雲留管玄鶴停絲引思為歲、亦陽止  
叨服賁身、亦昌止徒勤丹漆終愧文梓

三日侍安成王曲水宴

梁劉孝綽

匯澤良孔躬分區屏中縣跨躡兼流采襟喉迹封甸  
五三奄鄴畢折珪承羽傳不資魯俗移何得齊風變  
東山富游士北土無遺彥一言白壁輕片善黃金賤



餘辰屬元已消愁追前諺侍此頻預遊須展城隅宴  
芳州亘千里遠近光風扇方歡厚德重誰言薄遊倦

三日侍華光殿曲水宴

薰披三陽暮濯祓元已初皇心曠樂飲帳殿臨春渠  
豫遊高夏諺凱樂盛周居復以焚林日手茸花樹舒  
羽觴環堦轉清瀾傍席疏妍歌已寥亮妙舞復紆餘  
九成變絲竹百戲動龍魚

三日侍蘭亭曲水宴

梁庾肩吾

策星依夜動鑾駕惚朝遊旌門臨苑樹相風出鳳樓  
春生露泥泥天覆雲油油桃花生玉澗柳葉暗金澗  
禊川分曲洛帳殿掩芳洲踴躍頰魚醉參差絳棗浮

百戲俱臨水千鍾共逐流

三日侍宴詠曲水中燭影

重燄垂花比芳樹風吹水動俱難任春枝拂岸影上  
來還杯繞客光中庭

三日華林園公宴

邢子才北齊

迴鑿自樂野弭蓋屬瑤池玉水接光景七度樹風儀芳  
春時欲遽覽物惜將移新萍已冒沼餘光尚滿枝草  
滋徑蕪沒林長山蔽虧芳筵羅玉俎激水漾金卮歌  
聲斷且續舞神合還離

上巳宴鹿暉殿各賦一字十韻

陳後主



芳景滿闌窓，暄光生遠阜。更以登臨趣，還勝平夜禊。  
酒葉照源上，桃風搖城外。柳斷雲仍合，霧輕霞時照。  
牖樹帶山高，嬌鶯含嚮偶。一峯遙落日，數花飛映綬。  
度鳥或遛檐，飄絲屢薄藪。言志述為樂，置觴方萬壽。  
文學且列筵，羅綺令陳後。干戈幸勿用，寧須勞馬首。

上巳玄圃宣猷堂禊飲同共八韻

綺殿三春晚，玉燭四時平。藤交近浦暗，花照遠林明。  
百戲堦庭滿，八音絃調清。鶯宣雜管韻，鐘響帶風生。  
山高雲氣積，水急溜杯輕。簪纓今盛此，俊乂本多名。  
帶才尽壯思，文采發雕英。樂是西園日，歡茲南館情。  
春已禊辰盡，當曲宴各賦十韻

餘春向芳菲，中園飛桃李。是時乃季月，茲日叶上巳。  
既有遊伊洛，可以袂溱洧。得性足為娛，高堂聊復擬。  
高堂亦有趣，圖績此芳軌。栖遁稱式駿，善政日馴雉。  
蘭桂觀往轍，簪裾躡前趾。啼禽靜或喧，花落低還起。  
水霧遙混雜，山雲遠相似。坐客聽一言，隨吾祛俗鄙。

袂禊汎舟春月玄圃各賦十韻

園林多趣賞，袂禊樂還尋。春池已渺漫，高枝自從森。  
日裏絲光動，水中花色沉。安流淺易榜，峭壁迫難臨。  
野鶯添管響，深岫接鏡音。山遠風烟麗，苔輕激浪侵。  
置酒來英雅，嘉賢良所欽。

上巳玄圃宣猷嘉辰禊酌各賦六韻以次

成篇

陸塚岑之敬等五人上

園開簪帶合亭迥春芳過  
鶯度遊絲斷風駛落花多  
峯幽來鳥轉洲橫擁浪波  
歌聲時出牖舞影乍侵柯  
面玉同釵玉衣羅異草蘿  
既悅弦筒暢復歡文酒和

三日侍宴宣猷堂曲水

隋江摠

上巳娛春禊芳辰喜月離  
北宮命簫鼓南館列旌麾  
繡柱繁飛閣雕軒傍曲池  
醉魚沈遠岫浮棗漾清漪  
落花懸度影飛絲不礙枝  
樹動丹樓出山斜翠磴危  
禮周羽爵徧樂闕光陰移

上巳禊飲

盧思道

山泉好風日城市厭囂塵  
聊持一罇酒共尋千里春

餘光下幽桂夕映舞青蘋  
何時出闕後重有入林人

三月三日宴王明府山亭六首四言

孫慎行序

調露二年暮春三日同集於王令公之林亭申交契  
也夫尚平遠跡尋五藥於西山仲連高蹈讓千金於  
東海遺形却立終希獨善之資排患解紛未洽隨時  
之義豈若天地交泰朝野歡娛元已迨辰季陽司月  
列芳林而薦賞控清洛以開筵追李郭之佳遊嗣裴  
王之故事遠近送春表裏壯皇居曾幹霞騫燭城  
陰於翠鷗浮梁霧絕寫川態於文虹樹密如鱗花繁  
似霰魚縱相忘之樂鶯遷求友之聲景物載華心神

已至於是愷佳宴條煩襟  
泂杯曲水折巾幽徑流波  
度曲自諧中散之絃舞蝶  
成行無忝季倫之妓而歲  
不我與人生若浮揮魯陽  
之戈奔曦可駐騁山公之  
騎餘興方適度志陳詩式  
紀良會仍探一字六韻成章

詩得魚字

崔知賢

京洛皇居芳禊春餘影媚  
元巳風和上除雲開翠帶  
水鶯鮮車林渚縈映烟霞  
卷舒花飄粉蝶添躍文魚  
泂波式宴其樂只且

同前得如字

席元明

日惟上巳時亨有巢中罇  
引桂芳筵藉茅書僮景筆  
膳夫行魚烟霏萬雉花明  
四郊沼蘋白帶山花紫苞

同人取飲千載神交

同前得人字

陳子昂

暮春嘉月上巳芳辰群公  
禊飲于洛之濱奕々車騎  
粲々都人連帷競野袷服  
縟津青郊樹密翠渚萍新  
今我不樂含意 申

同前得沙字

韓仲宣

河濱上巳洛汭春華碧池  
函日翠擘澄霞溝垂細柳  
岸擁平沙歌管響樹舞蝶  
驚花雲浮寶馬水韻香車  
熟紀行樂淹留景斜

同前得哉字

高瑾

暮春元巳春服初裁童冠  
八九于洛之隈河隄草變



鞏樹花開逸人談發仲御舟來間閑黃鳥浣澗丹魄  
樂飲命席優哉悠哉

同前得烟字

高球

洛城春禊元巳芳年季倫園裏逸少亭前曲中舉白  
談際生玄陸離軒蓋淒清管絃萍踈波盪柳弱風牽  
未淹歡趣林溪夕烟

三日淶潭篇

萬齊融

春潭滉漾接隋宮宮闕連延潭水東蘋苔嫩色涵波  
淶桃李新花照底紅垂菱布藻如莊鏡鹿日晴天相  
皎映素影顥對蝶飛金沙礫窺魚詠佳人被禊  
賞韶年傾國傾城併可憐拾翠總來芳樹下蹋青爭

遠淶潭邊公子王孫恣遊玩沙場水曲情無厭禽浮  
似揖羽觴杯鮮躍疑投水心劍金鞭玉勒騁輕肥落  
絮紅塵擁路飛淶水殘霞催席散昼樓初月待人歸

于長史池三日曲水

陳子昂

摘蘭藉芳月被宴坐迴汀泛灑清流滿歲莖白芷生  
金絃揮趙瑟玉指弄秦箏巖嶂風光媚郊園春樹平  
烟花飛御道羅綺照昆明日落紅塵暮車馬亂縱橫

上巳日浮江宴得遙字

王勃

上巳年光促中川興緒遙綠齊山葉滿紅洩片芝銷  
泉聲喧後澗虹影照前橋遽悲春望遠江路積波濤

三日曲水侍宴應制

閻朝隱



三月重三日千春續萬春聖澤如東海天文似北辰  
荷葉珠盤淨蓮花寶蓋新陛下制萬臣作水心人  
奉和三日被禊渭濱六首 韋嗣立  
乘風被禊逐風光扈蹕陪銮渭渚傍還笑當時水濱  
老衰年八十待文王

同前

徐彥伯

晴風麗日滿芳洲御色春筵被錦流皆言侍蹕璜溪  
讌暫似乘槎天漢遊

同前

劉憲

桃花欲落柳條長沙頭水上足風光此時御蹕未遊  
處願奉年、被禊觴

同前

沈佺期

寶馬香車清渭濱紅桃碧柳禊堂春皇情尚憶垂竿  
佐天祚先呈捧劍人

同前

李义

上林花鳥暮春時上已陪遊樂在茲此日欣逢臨渭  
賞昔年空道濟汾詞

同前

張說

青郊上已艷陽年紫禁皇遊被渭川幸得歡娛承湛  
露心同草樹樂春天

三日梨園亭侍宴

沈佺期

九門馳道出三已禊堂開昼鷁中川動青龍上苑來

野花飄御座河柳拂天杯日晚迎祥處笙鏞下帝臺

三日獨坐驩川思憶舊遊

兩京多節物三日最遨遊麗日風徐卷香塵雨暫收  
紅桃初下地綠柳半垂瀉童子成春服宮人罷射鞬  
禊堂通漢苑解帝繞秦樓東哲言談妙張華史漢道  
無亭不駐馬何浦不橫舟舞籥千門度幃屏百道流  
金丸白鳥落芳餌接魚投 濯鱗清淺迎祥樂獻酬  
靈翦陳欲弃神藥曝應休誰念招魂節翻為禦魅囚  
明從天外 心賞日南求 銅柱威丹徼朱崖鎮大陬  
炎蒸連曉夕瘴療滿冬秋西水何時負南方詎可留  
無人對鑪酒寧緩去鄉憂

三月三日侍宴

素滌接宸居青門盛袂除摘蘭諠鳳野浮棗溢龍渠  
花蝶飛殊概宮鶯轉不殊景移天仗入歌舞向儲骨

桂州三月三日

宋之問

代業京華裏遠投魑魅鄉登高望不見雲海四茫茫  
伊昔承休眄曾為人所羨兩朝賜顏色二紀陪遊宴  
昆明禦宿侍龍媒伊闕天泉復幾迴西夏黃河水心  
劍東周清洛羽觴杯苑中落花掃還合河畔垂楊撥  
不開千春獻壽多行樂栢梁和歌攀睿作賜金分帛  
駐光輝風舉雲搖入紫微晨趨北闕鳴珂至夜出南  
宮把燭歸載筆儒林多歲月襟被文昌佐吳越越中

山海高且深興來無處不登臨永和九年刺海郡暮  
春三月醉山陰愚謂嬉遊長作昔不言流寓歎成今  
始安繁華舊風俗帳飲傾成沸江曲主人絲管清且  
悲客子肝腸斷還續荔浦蘅皋萬里餘洛陽音信絕  
能踈故園今日應愁思曲水何能更被除作伴唯憐  
合浦葉思歸豈食桂江魚不求漢使金囊贈願得家  
人錦字書

三月三日登龍山

伊川與灞津今日被除人豈似龍山上還同湘水濱  
哀顏憂更老淑景望非春襖飲豈吾事聊將偶俗塵

新刊古今歲時雜詠卷第十七

古詩

上已下

舟中和蕭令潭字

張說

暮春三月日重三春水桃花滿襖潭廣樂逶迤天上  
下仙舟搖衍鏡中酣

奉和聖製三春日

陳希烈

上已迂龍駕中流泛羽觴酒因朝太子詩為樂賢王  
錦纜方舟渡瓊筵大樂張風搖垂柳色花發異林香  
野老歌無事朝臣飲歲芳皇情被群物中外洽恩光  
和聖製太子諸王三月龍池春襖



王維

故事脩春禊新宮展豫遊明君移鳳輦太子出龍樓  
賦掩陳王作孟如洛水流金人來捧劍昼鷁去迴舟  
苑樹浮宮闕天池照冕旒宸章在雲漢垂象滿皇州

奉和聖製上巳於望春亭觀禊飲應制

長樂青門外宜春小苑東樓開萬戶上輦過百花中  
昼鷁移仙妓金貂列上公清歌邀落日妙舞向春風  
渭水明秦甸黃山入漢宮君王來被禊灞澹亦朝宗

三月三日曲江侍宴應制

萬乘親齋祭千官喜豫遊奉迎從上苑被禊向中流  
草樹連雲衛山河對冕旒昼旗搖浦淑春服滿汀洲

仙籟龍媒下神臯鳳蹕留從今億萬歲天寶紀春秋

三月三日勤政樓侍宴應制

綵仗連宵合瓊樓拂曙通年光三月裏宮殿百花中  
不數秦王日誰將洛水同酒筵嫌落絮舞袖怯春風  
天保無為德人歡不戰功仍臨九衢宴更達四門聰

上巳澗南期王山人不至孟浩然

搖艇俟明發花源弄早春在山懷綺季臨頓憶荀陳  
上巳期三月浮杯興十旬坐歌空有待行樂恨無隣  
日晚蘭亭北烟花曲水濱浴池逢婉女採女值幽人  
石壁堪題序沙塲好醉神群公望不至虛擲此芳辰

上巳日洛中寄王十九



卜洛成周地浮杯上已筵闔雞寒食下走馬射堂前  
垂柳全堤合平沙翠幕連不知王逸少何處會群賢

上巳日徐司錄園林

杜甫

鬢毛垂領白花蘂亞枝紅歌倒衰年廢招尋令節同  
薄衣臨積水吹面受和風有喜留攀桂無勞問轉蓬

上巳被禊應制

崔國輔

元已秦中節吾君灞上游鳴鑿通禁苑別館逸芳洲  
鴛鴦千官列魚龍百戲浮桃花春欲盡穀雨夜來收  
慶向堯尊祝歡從楚棹鷗逸詩何足對暮作掩東周

上巳

崔顥

已日帝城春傾都被禊辰停車須傍水奏樂要驚

弱柳障行騎浮橋擁着人獨言日早晚更向九龍神

三月三日自京到華陰於水亭獨酌寄

裴六薛八

獨孤及

祇役匪遑息經時客三秦還家問節候知到上巳辰

山縣何所有高城閉青春和風不吾欺桃杏滿四隣  
舊友適遠別誰當接歡欣呼兒命長瓢獨酌湘吳醇

一酌一朗詠既酣意亦申言詮暫兩忘霞月祇相親  
裴子塵表物薛侯席上珍寄喜二傲吏何日同車茵

詎肯使空名終然羈此身何年解桎梏長作海上人

上巳日西縣寮友會集時主郵不遂馳赴

輒題以寄方寸

劉商

踏青看竹共佳期春水晴山被禊詞獨坐郵亭心欲  
醉櫻花落尽暮愁時

上巳接清明遊宴

獨孤良弼

上巳歡初罷清明賞又追閏年侵舊曆令節併芳時  
細雨鶯飛重春風酒醒遲尋花迷白雪看柳折青絲  
淑氣如相待天和意為誰吁嗟名未立空詠宴遊詩

三月三日義興李明府後亭泛舟

皇甫冉

江南烟景復如何聞道新亭更可過處、蘭春浦  
綠萋、藉草遠山多壺觴須就陶彭澤風俗猶傳晉  
永和更使輕橈徐轉去微風落日水增波

上巳日越中與鮑侍御泛舟耶溪

劉長卿

蘭橈萬轉傍汀沙應接雲峯到若耶舊浦滿來移渡  
口垂楊深處有人家永和春色千年在曲水鄉心萬  
里賒君見漁舟時借問前洲幾路入烟霞

上巳日

耿漳

共來脩禊事內顧一悲翁玉鬢風塵下花林絲管中  
故山離水石舊侶失鸕鴻不及游魚樂徘徊連葉東

奉陪渾侍中上巳日泛渭河

盧綸

素舸錦帆開浮天接上台晚鶯和玉笛春浪動金壘  
舟楫方潮海鯨鯢自曝腮應恰似萍者空逐榜人迴



上巳日陪齊相公花樓宴

鍾陵暮春月飛觀延群英晨霞耀中軒滿席羅金瓊  
持盃疑遠睇觸物結幽情樹杪參差綠湖光潏灩明  
礼卑瞻絳帳恩浹廁華纓徒記山陰日被禊乃為榮

奉和聖製三日書懷因以示百寮

崔元翰

佳節尚元巳芳時屬暮春流觴想蘭亭捧劍傳金人  
風輕水初綠日晴花更新天文信昭迴皇道頗敷陳  
恭已每從儉清心

上巳泛舟得遲字

張登

令節推元巳天涯喜有期初筵臨泛地舊俗拔禳時

枉渚潮新上殘春日正遲竹枝遊女曲桃葉波江詞  
風鷁今方退沙鷗亦不疑且同山簡醉倒載莫褰帷

上巳

韋

樊宗憲兼呈孟中丞

鮑防

世間禊事風流處鏡裏家山若昼屏今日會稽王內  
史好將賓客醉蘭亭

上巳日

考雜文不遂赴九華觀被禊

之會以二絕句贈內

權德輿

三日韶光處新九華仙洞七香輪老夫留滯何由  
去珉玉相和正逸身時以沽美玉為詩題  
禊飲尋春興有餘深情婉見雙魚同心齊體如身



到臨水煩君便袞除

訓樂天三月三日

元稹

舊年此日花前醉今日花時病裏銷獨倚破簾閑悵  
望可憐虛過好春朝

三月三日與樂天及河南李尹奉陪令公

泛洛禊飲

劉禹錫

洛下今脩禊群賢勝會稽盛筵陪玉鉉通籍盡金閨  
波上神仙妓岸傍桃李蹊水嬉如鷺振歌響雜鶯啼  
歷覽風光好沁洄意思迷棹歌能儷曲塵客競分題  
翠幄連雲起香車向道齊人誇綾步障馬惜錦鄣泥  
塵暗宮墻外霞明苑樹西舟形隨鷁轉橋影與虹低

川色晴猶遠鳥聲暮欲棲唯餘踏青伴待月魏王堤

上巳日恩賜曲江宴會即事

白居易

賜歡仍許醉此會興如何翰苑主恩重曲江春意多  
花低羞艷妓鶯散讓清歌共道昇平樂元和勝永和

三月三日庾樓寄庾三十二

春日歡遊辭曲水二年愁卧在長沙每登高處長相  
憶何況茲樓屬庾家

三月三日懷微之

良時光景長虛擲壯歲風情已闕銷忽憶同為校書  
日每年同醉是今朝

三月三日二首



暮春風景初三日流世光陰半百年欲作閑遊無好伴半江惆悵却迴船

畫堂三月初三日絮撲紗窓驚拂簷連子數盃嘗冷酒柘枝一曲試春衫塔臨池面勝看鏡戶映花叢當下簾指點南樓玩新月玉鈎素手兩纖纖

三月三日宴舟中獻貴公

三月草萋黃鶯歌又啼柳橋晴有絮沙路潤無泥  
禊事修初畢遊人到欲齊金鈿耀桃李絲管駭鳧鷖  
轉岸迴船尾臨流簇馬蹄鬧於楊子渡踏破魏王堤  
妓接謝公宴詩陪荀令題舟同李膺泛醴為穆生携  
水引芳心蕩花牽醉眼迷塵街從鼓動烟樹任鴉棲

舞急紅膏凝去歌遲翠黛低夜歸何用燭新月鳳樓西

奉和裴令公上巳日遊太原龍泉憶去歲

禊樂雜言未體

去歲暮春上巳共泛洛水中流今歲暮春上巳獨立

香山上頭香山寺遊風光閑寂寂旌旆遠悠悠丞相

府歸晉國太行山礙并州鵬背負天龜曳尾雲泥不

可得同遊

上巳日憶江南禊事

李德裕

黃河西繞郡城流上巳應無被禊遊為憶淶江春水色更隨宵夢向吳洲

奉和上巳憶江南禊事

劉禹錫

白馬津頭春日遲沙洲歸雁拂旌旗柳營唯有軍中  
戲不似江南三月時

曲江上巳日

趙璜

長堤十里轉香車南岸烟花錦不如欲問神仙在何處  
紫雲樓閣向空虛

上巳日華下閑步

吳融

十里香塵撲馬飛碧峯蓮下踏青時雲鬢照水和花  
重羅袖捲風惹絮遲可便無心邀斌媚還應有淚憶  
袁熙如烟如夢爭尋得溪柳迴頭萬萬絲

上巳日

太學多情劉威武尋花傍水看春輝無端遇着傷心

事贏得淒涼索漠歸

觀競渡

薛逢

三月三日天清明楊花繞江啼曉鶯使君未出郡齋  
內江上已聞齊和聲使君出時皆有引惟馬已被紅  
旗陣兩岸羅衣破鼻香銀釵照日如霜刃鼓聲三下  
紅旗開兩龍躍出浮水來擢影幹波飛萬劍鼓聲劈  
浪鳴千里雷聲衛急波相近兩龍望標目如瞬江上  
人呼霹靂聲竿頭綵挂虹蜺暈前船搶訖水已得標  
後船失勢空揮橈瘡眉血首爭不定輸岸一明心似  
燒只將標示輸羸賞兩岸十舟五來往須臾戲罷各  
東西竟脫文身請書上吾今佃觀競渡兒何殊當路



權相持不思得所各休去會到權舟折揖時

上巳日

劉駕

上巳曲江濱喧於市朝路相尋不見者此地皆相遇  
日光去此遠翠幕張如霧何事歡娛中易覺春城暮  
物情重此節不是愛芳樹明月花更多何人肯迴顧

上巳日寄韓八

唐彥謙

上巳接寒食鶯花寥落晨微微潑火雨草草踏青人  
涼似三秋景清無九陌塵伯與同病者對此合傷神

三月初三日曲江遊眺贈郁上人殷堯藩

三月初三日千家與萬家蝶飛秦地草鶯入漢宮花  
鞍馬皆爭麗笙歌盡鬪奢吾師無所願唯願老烟霞

三月三日又贈郁師

曲水公卿宴香塵書滿街無心脩禊事獨步到禪齋  
細草縈愁日繁花落逆旅懷綺羅人走馬遺落鳳凰釵

三月三日申王園亭宴集宋之問

稽亭追往景睢苑勝前聞飛閣陵芳樹華池落綵雲  
藉草人留酌銜花鳥趣群向來同賞處遺恨碧林曛

三月二日承恩讌樂遊園張說

樂遊形勝絕表裏望郊宮北闕連雲嶺南山對掌手中  
皇恩貸芳月旬宴美成功魚戲芙蓉水鶯啼楊柳風  
春華看欲暮天澤戀無窮長袖招斜日留光待曲終

三月二日承恩遊官莊池上作



鳳凰樓下帶天泉  
鸚鵡洲中匣管絃  
舊失平陽佳鹿地  
今逢上巳盛明年  
舟將水動千尋日  
暮共林橫兩岸烟  
不降王人觀禊飲  
誰令醉舞拂賓筵  
三月三日寄諸弟  
懷崔都水

韋應物

暮節看已謝  
茲晨愈可惜  
風澹意傷春  
池寒花歛夕  
一作對酒始依  
聽人還的  
誰當曲水行  
相思尋舊跡

新刊古今歲時雜詠卷第十八  
今詩

上巳

上巳日與二三子携酒出遊  
隨所見輒作數句  
明日示之為詩  
故詞無倫次

東坡

薄雲霏、不成雨  
杖藜曉入千花塢  
柯丘海棠吾有詩  
獨笑深林誰敢侮  
三杯卯酒人徑醉  
一枕春睡日亭午  
竹間老人不讀書  
留我閉門誰教汝  
出簷聚枳十圍大  
寫真素壁千蛟舞  
東坡作塘今幾尺  
携酒一勞農工苦  
却尋流水出東門  
壞垣古塹花無主  
卧開桃



李為誰妍對立鳩鵲相媚媼開鉗籍草勸行路不惜  
春衫泥土褰裳共過春草亭扣門却入韓家圃轆  
轤繩斷井深碧鞦韆索挂人何所映筵空復小桃枝  
乞漿不見鷹門女南上古臺臨斷岸雪陣翻空迷仰  
俯故人餽我玉葉羹火冷煙消誰為煮崎嶇束蘊下  
荒徑姪姪隔花聞好語更隨落景盡餘樽却傍孤城  
得僧字玉人勸我浣足眠倒床不復聞鐘鼓明朝門  
外泥一尺始悟三更雨如許平生所向無一遂茲遊  
何事天不阻固知我友不終窮豈弟君子神所予

海南人不作寒食而以上巳上冢予携一  
瓢酒尋諸生皆往矣獨老符秀才在因與

飲至醉符蓋儋人之安貧守靜者也

老鷓含肉紙飛灰萬里家山安在哉蒼耳林中太白  
過鹿門山下德公回管寧投老終歸去王式當年本  
不來記取城南上巳日木綿花發刺桐開

三月三日點燈會客

江上東風浪接天苦寒無賴破春妍試開雲夢羔兒  
酒快瀉錢塘藥玉船蚕市光陰非故國馬行燈火記  
當年冷烟濕雪梅花在留得新春作上元

上巳同王魯直泛舟

沈郎清瘦不勝衣邊老便便帶一圍躩躩身輕山上  
走歡呼船重醉中歸舞腰似雪金釵落談辯如雲玉



塵揮憶 錢塘正如此回頭二十四年非

上巳日

文忠公

一雨初收九陌塵。乘蘭脩禊及芳辰。恩深始寵龍池宴。節正須知鳳曆新。紅琥珀傳盃潑。碧琉璃瑩水瀟淪。上林未放花齊發。留待鳴梢出紫宸。

上巳日赴宴口占

賜飲初逢禊節佳

新漲碧無涯。九門寒食多遊

騎。三日春陰正。養花共喜流觴修故事。自怜霜髮惜年華。鳳城殘照歸鞍晚。禁籞無風柳自斜。

上巳日與太學諸同舍飲王都尉園

温公

冠蓋鬱鬱相依名。園花未稀游絲縈。復展狂絮墮還飛。積弩遺風陋蘭亭。舊俗微何如。詠沂水春服舞雩歸。

和劉尉赤岸上巳二首

張無盡

教池天氣不勝情。携手聊同陌上行。洛禊嬉遊修故事。楚歌懽笑集村氓。慕潘瓊菓盈車擲。排卓幽琴滿座傾。為報蘭亭王逸少。且無今日筦絃聲。

乘蘭時節近清明。朝野歡娛值太平。坦率從來如庾亮。窮愁素不學虞卿。三年陽渚成何事。一覺邯鄲悟此生。把酒花前須醉倒。肯交風雨落繁英。

上巳艤舟漢口命駕鳳棲成二絕句

上巳嬉遊集漢陽。雲收雨霽日舒光。瑞烟和氣橫寥

郭何用蘭亭被不祥  
池上澄輝凍已銷陽和巧思著花梢殘雲斷靄歸何  
處翠幃紅帷遍樂郊

上已聞苑中樂聲

王介甫

苑中誰得從春遊想見漸臺瓦欲流御水曲隨花影  
轉宮雲低繞樂聲留年華未破清明節日暮初回被  
楔舟更覺至尊思慮遠不應全為拙倡優

和郭六玉津上已宴罷見寄 宋景公

式燕靈琨睠蕙時被蘭浮棗惜春輝回驂並躍都門  
道誰識顏王曲水歸

上已 詔賜花酒休澣日會瓊林苑汎昆

明池飲魏國夫人園 二首

秦太虛

宜春門外曉參尋  
豪竹哀絲發妙音  
金爵日邊飛壯麗  
彩虹天際卧清深  
已頭逸少書陳迹  
更屬相如賦上林  
猶恨仙人足官府  
不如魚鳥自飛沉

同前

高柳參天轉晚暉  
泱泱春溜欲平池  
樓臺四望烟雲合  
簾幕千家錦繡垂  
風過忽聞花外笑  
日長時奏水中嬉  
太平誰謂全無象  
寓在羣仙把酒時

帝城上已

孫叅政

宿霧消神沼晴曦照碧峯  
被除周故事環宴楚遺風  
昼舸低搖鷓浮梁冷亘虹  
五陵馳俠少三殿錫羣公



浪射簪纓潤。花凝劍佩紅。舞遲歌袂穩。飛急酒觴空。  
淑氣彫軒外。祥光禁禦中。敢賡元首詠。上紀帝堯功。

奉和聖製上巳日

晏殊

青陽三巳日。佳氣九城中。洛飲傳周俗。秦詩載鄭風。

停輪浮桂醕。解袂泛蘭叢。選勝開慈宴。多歡組綬同。

上巳賜宴瓊林與二府諸公游水心慙

于西軒二首

三月楊花飛似雪。內園佳樹綠成陰。何妨寫盡憑高

意。千步虹橋徹水心。

咽雲簫鼓傳聲沸。臨水樓臺倒影多。吟繞曲欄無限

思。緒風遲日滿煙波。



此處缺一葉

有才多謝東亭潮與月醉中雙送畫船迴

上已至玉津園賜宴

錢易

袞襖標春已歌時慶魯雩禁園宣密宴王饌賜天厨  
班序參三殿衣冠盛兩都雩壘傾上席寶馬開長衢  
帝澤恩何重春風節已徂歸來白虎殿微詠共操觚

和劉伯壽陪潞公禊飲

温公

旌幢車騎滿沙頭鼓吹喧繁畫艦浮十里羅紈光照  
地千家簾幕遠臨流觴隨洛水白公事月映鳳樓裴  
相遊令典久隳今更舉行聞美俗徧中州



新刊古今歲時雜詠卷第十九

古詩

春盡日

野酌亂無巡送君兼送春明年春色至莫作未歸人

三月晦日郊外送客

雍裕之

春晦日休髮寄三友

韓功曹李錄王少府

戴叔倫

朝沐敞南闥盤散待日稀楊梳髮更落攬鏡意多違  
吾友見常少春風去不歸登臨取一酌猶可及芳菲

三月晦日會李員外座中頗以老大不  
醉見譏因有此贈  
令狐楚



三月唯殘一日春  
玉山傾側白鷗馴  
不醉便學山人  
醉交下無人作主人

望驛臺三月盡

元稹

可憐三月三旬促  
悵望江邊望驛臺  
料得孟光今日  
語不曾春盡不歸來

三月二十日程氏館餞杜十四歸京

江春今日盡  
程館祖筵開  
我正南冠繫  
君尋北路迴  
構身誠太拙  
從宦苦無媒  
處困方明命  
遭時不在才  
踰年長倚玉  
連夜共銜杯  
涸溜沾濡末  
餘光照死灰  
行看鴻欲翥  
敢憚酒相催  
拍逐飛觥絕  
香隨舞袖來  
消黎拋五遍  
娑萸殪三臺  
已許樽前倒  
臨風淚莫頹

送春

白居易

送春歸三月盡  
日日暮時去年杏園花  
飛御溝綠何處  
送春曲江曲  
今年杜鵑花落子規啼  
送春何處西  
江西帝城送春猶快  
天涯送春能不知  
悵悵莫悵悵  
悵送春人冗負無替  
五年罷應須擬再送潯陽春  
五任炎涼凡十變  
又知此身健不健  
好去今年江上  
春明年未死還相見

三月三十日題慈恩寺

慈恩春色今朝盡  
盡日徘徊倚寺門  
悵悵春歸留不  
得  
紫藤花下漸黃昏

酬元負外三月三十日慈恩寺憶見寄

悵望慈恩三月盡紫桐花落鳥關關誠知曲水春相  
憶其奈長沙老未還赤嶺猿聲催白首黃茅瘴色換  
朱顏誰言南國無霜雪盡在愁人髮髮間

三月二十日別微之於澧上明年春夜遇  
微之於峽中停舟夷陵三宿而別言不  
盡者以詩終之因賦七言十七韻以贈  
且欲記所遇之地與相見之時為他年

會語張本也

澧水店頭春盡日送君馬上謫通川夷陵峽口明月  
夜此處逢君是偶然一別五年方見面相携三宿未  
迴舡坐從日暮惟長歎語到天明竟未眠齒髮蹉跎

將五十關河迢遞過三千生涯共寄滄江上鄉國俱  
拋白日邊往事渺茫都似夢舊遊零落半歸泉醉悲  
洒淚春盃裏吟苦支頤曉燭前莫問龍鍾惡官職且  
聽清脆好文篇數微之別來有新詩別來只是成詩癖  
老去何曾更酒巔各限主程須去住重開雜宴貴留  
連黃牛渡北移征棹白狗崖東卷別筵黃牛白狗皆  
中地名即神女臺雲繚繞使君灘水急潺湲風淒  
別之所也楊柳月吊宵聲哭杜鵑萬丈赤幢潭底日一  
瞑色愁楊柳中天君還秦地辭我向忠州入瘴煙  
條白練峽中天君還秦地辭我向忠州入瘴煙  
未死會應相見在又知何地復何年

和微之三月三十日四十韻



送春君何在君在山陰署憶我蘇杭時春遊亦多念  
為君歌往事豈取辭勞慮莫怪言語狂須知酌答遽  
江南臘月半冰凍凝如瘧寒景尚滄茫和風已吹噓  
女牆城似竈鴈齒橋如鋸魚尾上瀟淪草第生沮洳  
律遲太管日暖和馭布澤木龍催迎春土牛助  
兩師習洒雲將颺者四野萬里晴千山一時曙  
杭土麗且康蘇民富而庶善惡有懲勸剛柔無吐茹  
兩衙少辭牒四境稀書疏俗以勞佚安政因閑暇著  
仙亭日登眺虎立時遊預望仙亭在蘇尋幽駐旌軒  
選勝迴賓御舟移溪鳥避樂作林猿覩池古莫耶沉  
石竒羅刹踞池在蘇州水苗泥易耨畝粟灰難鋤

紫蕨抽出畦白蓮埋在淤菱花帶紅黯濕葉黃含菸  
楚詞云黃菸鏡動波颭菱雪迴風旋絮手輕攀桂馥  
色而就黃菸鏡動波颭菱雪迴風旋絮手輕攀桂馥  
齒為嘗梅楚坐供船脚歌行多馬蹄阻聖賢清濁醉  
水陸鮮肥飲魚膾芥醬調冰葵鹽鼓絮勅麗雖微五  
袴詠幸免兆人詛但令樂不荒何必游無侶吳苑僕  
尋罷越城公尚據舊游幾客存新宴誰人與莫空  
文舉酒強下何曾筋江上易優游城中多毀譽分應  
當自畫事勿求人恕我既無子孫君仍婚娶久為  
雲雨別終擬江湖去范蠡有扁舟陶潛有籃輿兩心  
苦相憶兩口遙相語最恨十年春春來各一處

三月三十日作



今朝三月盡寂寞春事畢黃鳥漸無聲朱櫻新結實  
臨風獨長歎此嘆意非一半百過九年艷陽殘一日  
隨年減歡笑逐日添衰疾且遣花下歌送此杯中物

三月晦日日晚聞鳥聲

晚來林鳥語殷勤似惜風光說向人造脫破袍勞報  
暖催沽美酒敢辭貧聲勸醉須飲醉一歲唯殘月

日春

春盡日天津橋醉吟偶呈李尹侍郎

宿雨洗天津無泥未有塵初晴迎早有落照送殘春  
興發詩隨口狂來醉寄身水邊行窺我橋上立逡巡  
踈傳心情老吳公政化新三月徒有王風景屬閑人

筋力雖無幾娛遊亦未厭脫身薄適性得間闊

多病非辭貴無才豈養恬清塗誠愧忝微祿已傷廉

日費須三爵年支仰數緜餽饘粗能足著蔡不煩占

河洛今為盛圖書昔所潛家花啓戶處酒飄帘

溫飽資兼愛安平倚具瞻愚夫猶樂育下愈撓謙

落拓形骸逸優游歲月淹餘生多幸任醉亦無嫌

三月晦日雨中聞姚黃開戲呈子駿堯夫

穀雨後來花更濃洛人謂穀雨後牡丹始開前時已見

玉玲瓏花以吳淞公淞西街得新出白瓏葉客來更

說姚黃發只在街西相第東園第相宅東

小雨留春春未歸好花隨有怨行稀勸君披取漁蓑

去走看姚黃判濕衣

三月晦日

宋景公

靜彈塵憤照溪流萍泊春芳向盡頭  
早葉乍濃留客坐晚花猶在素心愁  
最憐幽草能縈帶已覺浮雲解映樓  
白髮未多須劇飲羸輸寧屬阿戎籌

春晦寓目二首

春序條示晚高臺芳意多花成風地纈  
鳥作暝林歌樹氣薰繁幄池文疊細波  
東城歸騎散烟絮徧銅駝春意都無幾  
還持歡緒歸游蜂抱蘂去驚鷺失泥飛  
風下幡影霞留暝霏遙知瑤席恨不減  
欲沾衣

三月晦日與客小酌

張文潛

天教老景變芳菲晨起衰翁換夾衣  
盡日綠陰鶯嬾轉有時芳樹蝶爭飛  
最憐永日閑無事可嘆佳時客未歸  
雖老清狂猶未減憑春說與故園知

古詩

立夏

立夏日憶京師諸子

韋應物

改序念芳晨煩襟倦日永夏木已成陰  
公門晝恒靜長風始飄閣疊雲終吐嶺  
坐想離居人還當惜祖景

今詩

立夏

四月十三日立夏呈安之 溫公



留春春不住昨夜的自然歸歡趣何妨少閑遊勿怪稀  
林鶯欣有託叢蝶恨無依忘下忘懷客高眠正掩扉  
陶潛嘗言夏日虛閑高卧北窓  
下清風颯至自謂羲皇上人

立夏奉祀太一宮 五言十韻 劉筠

朱駕開炎序瓊科舉舊儀恭承宣室詔肅奉列真祠  
地接龍葱氣人多綽約姿珍叢羅寶楫嘉樹蔭文榭  
仙饌豐青餽齋房飾紫帷繫誠專在祀將事竚迎禧  
谷應空歌韻神聽祝冊辭蘭蒸芥靜品桂醑灑華彝  
烟達徐焚幣風靈自轉旗雲衣終半解鳴鳳遡晨曦

立夏奉祀太一宮

舜栢森森拂絳霄薰風瑟瑟動雲璈琳房遍設沈榆

席金爨齊燃綠桂膏祕冊十行開鳳檢靈輝三燭駐  
蜺旒香飄負晴空歌歇北斗闌干月殿高

天禧戊午歲立夏奉祀太虛宮齋宿有感  
七年綸掖濫敷言八奉齋祠蔭寶軒上士半同猿  
鶴老病身猶與蟪蛄存飯蔬力弱防冠墜枕杜神寧  
喜席溫櫻序清和芳意歇淡然畢景絕朝喧

和人 池上雨中聞笛 錢易

朱李始沈泉池塘恰雨天鷺頭飄雪晴荷腹蕩珠圓  
風遁誰家笛聲衝幾里烟拂波輕重起隔樹往來傳  
漉漉雖侵漢遙遙已雜天龍吟轉樂石韻更相連  
謾讀王褒賦虛誇子晉仙寧同向散騎腸斷向漪漣



初夏病中

抱病經清署空庭掃紫苔花籬妨蝶過桐井引禽來  
徒有文園渴更無漳浦才可憐餘滯骨無復動心灰

立夏後大熱偶書

白子儀

朱輅初間建赤旂綠楊猶轉舊黃鸝和風駘蕩無三  
月立夏在三月二十七日炎氣憑陵又一時飄去餘香花襯履覆來  
濃蔭葉成帷秋光只在前山裏不日涼襟却共披

新刊古今歲時雜詠卷第十九

新刊古今歲時雜詠卷第二十

古詩

端午

五日望採拾

梁王筠

裁縫逗早夏點畫守初晨綃紈既妍媚脂粉亦香新  
長絲表良節命綫應嘉辰結蘆同楚客採艾異詩人  
折花競鮮彩拭露染芳津含嬌起斜盼歛笑動微頻  
獻璫依浴浦懷珮似江濱須待恩光接中夜奉衣巾

五日

北齊魏收

麥涼殊未畢蜩鳴早欲聞喧林尚黃鳥浮天已白雲  
辟兵書鬼字神印題靈文因想蒼梧郡茲日祀陳君



端午武成殿宴羣臣

明皇

端午臨中夏時清日復良  
鹽梅已佐鼎翹葉且傳觴  
事古人留跡年深綏績長  
當軒知槿茂向水沓菴香  
億兆同歸壽羣公共保昌  
忠貞如不替貽厥後昆芳

端午三殿宴羣臣并序

律中蕤賓獻酬之象著火在盛德文明之義  
焯故以式宴陳詩上和下暢者也朕宵衣旰食  
緝聲教於萬方卜戰行師摠兵鈴於四海勤貪日給  
憂忘心勞聞蟬鳴而悟物變見槿華而驚候改所以  
賴濟、朝廷視成鵠鸞桓、邊塞責辦熊羆喜麥秋之有登  
玩梅夏之無事時雨近霽西郊霍靡而一色炎雲作峯南

山嵒峩而異勢正當召儒雅宴高明廣殿肅而清陰  
生列樓深而長風至厨人嘗散熟之饌酒正供陶暑  
之飲庖捐惡鳥俎獻龜新筒聚練香蘆角黍恭儉  
之儀有序慈惠之意溥洽諷味堯老致息心於莫妙  
抑揚游夏滌煩想於詩書超然立覽自足為樂何止  
拍拋遁門驗方術於經記綵花命綏覩問遺於風俗  
感婆娑之孝女憫枯槁之忠臣而已哉嘆節氣之循  
環美君臣之相樂凡百在會咸可賦詩五言紀其日  
端七韻成其火數豈獨漢武之殿盛朝士之連章魏  
文之臺壯詞人之並作云爾  
五日符天數五音調夏鈞舊來傳五日無事不稱神



穴枕通雲氣長絲命續人五時花競巧九子梭爭新  
方殿臨華節圓宮宴雅臣進對一言重道文六義陳  
股肱良足詠風化可還淳

端午三殿侍宴應制

探得魚字

張說

小暑夏位應微陰商管噓願齊長命縷來續大恩餘  
三殿褰珠箔羣官上玉除助陽嘗黍稷順節進龜魚  
甘露垂天酒芝花捧御書合丹同蠲疢灰骨暮蟾蜍  
今日傷蛇意銜珠遂闕如

張相公出鎮荊州尋除太子詹事余時  
流夜郎行至江夏與張相公去千里公因  
太府丞王昔使車寄羅衣二事及五月五

日贈予予答以此詩

李白

張衡殊不樂應有四愁詩慚君錦繡段贈我慰相思  
鴻鵠復矯翼鳳凰憶故池榮樂一如此商山老紫芝

端午日賜衣

杜甫

宮衣亦有名端午被恩榮細葛含風軟香羅疊雪輕  
自天題處濕當暑著來清意內稱長短終身荷聖情

端午日恩賜百寮

竇叔向

仙宮長命縷端午降殊私事盛蛟龍見恩深犬馬知  
餘生儻可續終冀答明時

端午日禮部宿齋室中有衣服綵結之  
貺以詩代書用申還答 權德輿



良辰當五日偕老祝千年綵綉同心麗輕裾映體鮮  
寂寥齋書省款曲擘香牋更想傳觴處孫孩徧目前

競渡曲

競渡始武陵至今奉檝而相和之音咸呼何上斯招屈之義事見圖經

劉禹錫

沅江五月平堤流邑人相將浮綵舟  
聖均何年歌已矣哀謠振楫從此起  
揚抱繫節雷闐亂流齊進聲轟然蛟龍得雨鬢髮勤  
蝶螭飲河形影聯刺史臨流褰翠幄揭竿命爵分  
雄雌先鳴餘力爭鼓舞未至銜枚顏色沮百勝本自有前期  
一飛由來無定所風俗如狂重此時縱觀雲委江之湄  
綵旗夾岸照蛟室羅襪凌波呈水嬉曲終人散至愁暮  
招屈亭前水東注

端午日伏蒙內侍賜晨服楊巨源

綵綉纖仍麗凌風卷復開方應五日至應自九天來  
在筍清光發當軒暑氣迴遙知及時節力尺火雲催

端午

文秀

節分端午本誰言萬古傳聞為屈原堪笑楚江空浩  
浩不能洗得直臣冤

五日觀妓

萬楚

西施漫遊浣春沙碧玉今時鬪麗華眉黛奪將萱草  
色紅裙妬殺石榴花新歌一曲令人艷醉舞雙眸欲  
鬢斜誰道五綵能續命却令今日死君家

新刊古今歲時雜詠卷第二十

新刊古今歲時雜詠卷第二十一

今詩

端午

端午游真如遲適遠從舍弟在酒局

東坡

一與子由別却數七端午身隨綵絲繁心與昌歎苦  
今年疋馬來佳節日夜數兒童喜我至典衣具雞黍  
水餅既懷鄉飯筒仍慙楚謂言必一醉快作西川語  
寧知是官身糟麴困薰煮獨携三子出古刹訪禪祖  
高談付梁羅詩律到阿虎歸來一調笑慰此長齟齬  
梁羅遲  
適小名



皇帝閣端午帖子

盛德初融後潛陰天始時侍臣占易象明作兩重離  
採秀纈羣芳爭儲百葯良太醫初薦父庶草驗蕃昌  
微涼生殿閣習之滿皇都試問吾民愠兩風為解無  
西檻新來玉宇風侍臣茗盃得雍容庭槐似識天顏  
喜舞破清陰作雨龍  
講餘交翟轉回廊始覓深宮夏日長楊子江心空百  
鍊只將無逸鑑興亡  
一扇清風洒面寒應緣飛白在水紈坐知四海蒙膏  
澤沐浴君王德似蘭

太皇太后閣

漸臺通翠浪暑殿轉清風簾卷東朝散金烏未遽中  
日永蚕收簇風高麥上塲朝來藉田令孤黍獻時芳  
舞羽諸雉伏銷兵萬彙蘇只應黃紙誥便是赤靈符  
令節陳詩歲歲新從官何以壽吾君願儲醫國三年  
艾不作沉湘九辯文  
忠臣諒節今千歲孝女孤風滿四方不復巫陽占郢  
夢空餘仲御扣河章  
長養恩深動植均只憂貪吏尚殘民外廷已拜臯羨  
賜應助吾君去不仁

皇太后閣

露簟琴書冷瑀盤饗餌新深宮猶畏日應念暑耘人



萬壽昌蒲酒千金琥珀盃年行樂處新月掛池臺  
翠筒初窳棟鄉黍復纏菰水殿開冰鑑瓊漿凍玉壺  
秘殿扶踈夏木深兩餘初有一蟬吟應將羸女乘鸞  
扇更助南風長棘心  
上林珍木暗池臺蜀產吳包萬里來不獨盤中見盧  
橘時於粽裏得楊梅  
閔古遺風千古情湘沉舊俗到今明翠輿黃繖何時  
幸函鷁飛鳧盡日橫

皇太妃閣

午景簾櫳靜薰風草木酣誰知恭儉德綵縷出新蚕  
雨洒方梅夏風高已麥秋應憐百花盡綠葉暗紅榴

辟兵已佩靈符小續命仍縈綵縷長不為祈禳得天  
助要隨風俗樂時康  
玉盃沉李艷清泉金鴨噓空裊細烟自有梧楸郭畏  
日仍欣麥黍報豐年  
良辰樂事古難同繡蛩朱絲奉兩宮仁孝自應禳百  
沴艾人挑印本無功

夫人閣

肅、槐庭午沉、玉漏稀皇恩樂佳節闔草得珠璣  
節物荆吳舊嬉遊禁液閑仙風隨画屨拜賜樂人間  
五綵縈筒秫稻香千門結艾髮髯張旋開寶典尋風  
物要反靈辰共袞禳



欲曉銅鉞下井欄  
鏗鏗金殿發清寒  
似聞人世南風熱  
日上墻東問幾竿

皇帝閣

文忠公

楚國因諗逐屈原  
終身無復入君門  
願因角黍詞遺俗  
可鑒前王惑巧言  
嘉辰共喜沐蘭湯  
毒沴何須採艾穰  
但得皋夔調鼎鼎  
籩自然灾祲變休祥  
香菰黏米著佳名  
古俗相傳豈足矜  
天子明堂遵月令  
含桃初薦黍新登  
聖主憂勤政治平  
仁風蕙澤被羣生  
自然四海歸文德  
何用靈符號辟兵

郡王閣

風光細細飄香轉  
綠葉陰陰覆檻涼  
雲物鮮明時節麗  
水精宮殿侍君王  
蓬萊仙闕綵雲中  
端午欣逢歲，同皎潔  
霜紈空詠扇深沉  
玉宇自生風  
古今風俗記佳辰  
樂事深宮日日新  
巧女金盤絲五色  
皇家玉曆壽年春  
涼生玉宇來風細  
日永金徒報漏稀  
皎潔冰壺清水殿  
三千爭捧赭黃衣  
仙盤冷泛銀河露  
納扇香搖綠蕙風  
禁掖自應無暑氣  
瑤臺金闕水精宮



皇帝閣

天清槐露浥歲熟麥風涼五日標嘉節千齡獻壽觴  
午位星標正人間令節同四時和玉燭萬物被薰風  
舜舞來遐俗堯仁浹九區五兵消以德何用赤靈符  
天容清永晝風色秀含薰五日逢佳節千齡逢聖君  
綵索盤中結楊梅粽裏紅宮闈九重樂風俗萬方同  
寶曲標靈日明離正午方五行當火德萬壽續天長

太皇太后閣

漸臺通翠浪暑殿轉清風簾捲東朝散金烏未遽中  
密葉花成子新巢燕引雛君心多感舊誰獻辟兵符  
旭日映簾生流暉棹艷明紅顏易零落何異此花榮

香黍筒為粽靈苗艾作人芳音邈已遠節物自常新  
珠箔涼颼入金壺晝刻長鸞臺塵不動銷盡故時香

皇后閣

畫扇催迎暑靈符喜辟邪風光麗宮禁時節重仙家  
椒塗承茂渥嬪壺範柔儀更以親蚕蛩紉為續命絲  
繭館覆茱桑新絲引更長紉為三色縷續壽獻君王  
槐綠陰初合榴繁艷欲燃翠筒傳角黍佳節慶年年

夫人閣

梅黃初過雨麥實已登秋避暑多佳賞皇歡奏豫遊  
鳴蠅驚早夏鬪草及良辰共薦苜華酒君王壽萬春  
楚俗傳筒黍江人喜競船深宮亦行樂綵索續長年



冰壺凝皓綵水殿漾輕連繡繭誇新巧縈絲喜續年  
黃金仙杏粉赤玉海榴芳共闋今朝勝盈檐百草香

皇帝閣

夏竦

續命來絲登繭館長生金籙獻琳宮百靈拱衛天居  
峻萬國歡康帝業隆  
命縷開辰分五色長絲獻壽祝千年垂衣日月承嘉  
慶真祖飈游正在天  
仙園采藥回彫輦禁殿迎祥啓鳳闈四海樂康民富  
壽穆清無事永垂衣  
采絲祝壽芳辰啓紫禁凝旒瑞日長億兆歸仁天祐  
德縣縣真蔭永無疆

絳臺月筆書金籙紫殿瑤箱獻巧衣億載延鴻資春  
筭百祥重沓擁宸闈

太官角黍迎佳節上聖齋居襲美祥金闕鑒觀真緒  
遠永延鴻慶庇多方

尚方綬帶迎佳節中禁彤闈細美祥疇德珍符方瑞  
聖後天宸筭永無疆

太官角黍初晨啓法座垂衣介福隆億載昌期方奕  
奕九天真蔭永延鴻

賜羹佳序傳青簡續壽長絲獻紫宸帝祉薦彰符盛  
德塵心勤郵為生民

五色絲絲初獻壽九重嘉氣頌長生庇民精志方虔



翠垂拱仁風更穆清  
浴蘭襲祉良辰啓握記無為聖道尊  
賜帝嘉祥充力  
禁冲融和氣徧千門  
八龍焜燿長生籙五色歲蕤續命絲  
億載延長資眷  
筭萬區康樂邁昌期  
歲時節令多休宴風俗靈辰重  
祿肅穆皇居百神  
衛滌邪寧待浴蘭湯

皇太后閣

迎祥近獻雙條連續壽初纏五色絲  
共仰齋莊隆內  
訓永觀蕃衍茂仙枝  
壁沼水嬉飛隼渡瑤箱命縷采絲新  
親蚕禮畢無餘

事夙佩 璜奉紫宸

千門朱索迎嘉祉九禁椒塗納美祥  
虔奉黼帷承渥  
惠永聞彤史播聲芳  
六宮點畫呈新巧中壺齋明順吉辰  
德邁河洲芳訓  
茂慶隆襟石美祥新  
千門襲吉縈朱索九禁開晨闕紫闈  
宮漏正長天曉  
重水宣芳訓率三妃  
日記采蘭追楚俗化孚流行誦周詩  
肅恭懿德垂彤  
瑄九御歸心百福宜  
中闈正肅鳴環節吉日爰逢采木時  
億載繁禧同聖  
壽百男鴻慶茂仙枝



點畫諸官初獻巧裁縫中禁久迎祥周南永播河洲  
化仰佐鴻明燭萬方  
覆檻午陰黃鳥轉烘簾曉日絳榴繁六宮綵縷爭新  
巧共續千年奉至尊  
繁蘭浙々風光轉綠葉陰々禁苑涼天子萬机多暇  
日喜逢嘉節奉瑤觴  
五色雙絲獻女功多因荆楚記遺風聖君照物同天  
鑿不用江心百鍊銅  
烟含玉樹風生細日永宮花漏出遲深殿未嘗知暑  
氣水精簾拂砌琉璃  
玉壺冰彩瑩寒光避暑宸遊樂未央採艾不須攘毒

沴塗椒自己馥清香  
蘭苕擢秀迎風紫槿艷繁開照日紅嘉節相望傳有  
舊深宮行樂自無窮

温成皇后閣

綵縷誰云能續命玉奩空自鎖遺香白頭舊監悲時  
節珠閣無人夏日長  
依々節物舊年光人去花開益可傷聖主聰明無色  
惑不須西國返魂香  
聞說仙家事杳微世傳真偽豈能知遙思海上三山  
樂寧記人間五日時  
雲散風流歲月遷君恩曾不減當年非因掩面留遺

愛自為難忘窈窕賢

淑妃閣

誕賓布序逢良月條達延祥紀令辰仰奉椒塗宣內  
治永昭芳奪冠虞嬪  
芳園踏草迎佳節紫掖鳴環奉鞠衣渥惠日新鴻慶  
遠永隆徽序耀層闈  
萬寓清和當聖日千門采拾達良辰上真鴻緒宜蕃  
衍從此高禔美應新  
宴寢奉闈鳴采玉良辰襲慶長絲仰中壺垂芳  
裕永播周南逮下詩

郡王閣

對日惠心時共仰沐蘭嘉節慶長絲仰承中緒隆天  
愛永奉祥祺襲太熙  
彤闈永奉千年慶金策將封一字王佇向景風承異  
渥預從佳節納多祥  
五采色絲頒禁殿千齡嘉慶集藩房玉堂張誦依真  
館日靈心降美祥  
崑山瑞玉題真篆閭苑蟠桃刻聖文並獻春閨延美  
慶億年嘉氣永氤氳  
御閣奉聖旨進  
晏殊  
沐浴蘭湯在此辰內園仙境物華新輕絲五綵纏金  
綉共祝堯年壽萬春



初垂彩文迎新節復結香茅致百祥就日望雲皆善  
祝聖人洪筭與天長  
獻壽競為長命縷迎祥還佩赤靈符端門漏永晨曦  
上颯、薰風遶帝梧  
彫盤角黍競時宜組繡紛華奉紫闈海日乍昇丹禁  
曉文人清影照金扉  
內廷四  
百草闔餘欣令月五絲縈後祝遐年洞房風暖垂靈  
艾神沼波深競綵船  
披風別殿地無塵辟惡靈符字有神九子粽香仙醴  
熟共瞻宸極祝千春

由來佳節載南荆一浴蘭湯萬慮清仙苑此時收百  
藥鍊丹飛石保長生  
一一雕盤分楚粽重重團扇画秦娥宮闈百福逢嘉  
序萬戶千門喜氣多

昇王閣二首

朱邸沐蘭逢令節丹廷祝壽喜嘉辰兩宮榮養延多  
慶百福潛隨命縷新  
織組文繒載舊儀晨朝丹宸奉天慈六齋清素來多  
福歲、今辰侍宴私

御問四首

五綵絲長繫臂初萬年芳樹影扶踈豈勞方士標神



篆自有真靈衛帝居  
九子粽新傳楚俗赤靈符驗出仙方漢宮盡祝如天  
壽鵲尾爐烟起瑞香  
乍結香茅祈福壽更纏金縷貢芳新丹臺素有延生  
籙歲、迎祥在此辰  
仙家既有靈符術越俗魚為競渡遊三十六宮避日  
永綺窓朱戶彩雲浮

東宮閣二首

楊子波心鑄鑑成俗傳茲日最標靈宣猷視學通文  
史問膳多歡奉帝廷  
百藥初收味最良玉函仍啓太清方扇裁葵葉風頻

度漏轉金昏日更長

端午作

汨渚沉、不可追楚人猶自弔湘累靈均未免爭瓊  
糈却道蛟龍畏色絲

端午日帖子詞

皇帝閣

孫叅政

薰琴應律南風漏箭添籌晝刻長誰識廣寒天上  
景銅烏未午送微涼  
炎日曛、照殿楹幅員萬里塞氛清漢家自有安邊  
術不是靈符解辟兵  
方更伸律清和節正是南訛化育時無限元、齊鼓



舞恤刑新詔下天墀

露畹擷蘭茗金波麗碧霄早聞彫輦降還待紫宸朝  
內苑屬嘉辰初收百藥新預知氛癘息天意在生民  
淺園含桃老彫盤角黍香九重端宸處星火正離方

皇后閣

蟠桃映砌晨烟薄紫桂凌霄晝露稀  
崑篠漢宮三十六齊將綵綉祝坤闈  
暑服初頒五祚宮內墀佳氣鬱葱  
須知海宇昇平事半是開睢輔佐功  
萬均寶笈千齡藥又賜金盤五色瓜從此仙源深福  
遠縣、不獨頌周家

浴蘭同故事戲草楚遺風不似天家意勤勞念女工  
洞戶花陰淺天家日景遲粽成八九子綉結就千絲

夫人閣

杳、画梁魏架杏沉、香壁靜塗椒宮前夜祝君王  
壽日上黃爐炷未消  
交飛壽筭長生殿競泛仙舟太液池不似世間多世  
氣天風浙、萬年枝  
辟惡何須荆楚艾蠲炎不待邵平瓜仙飈昨夜來閭  
闔玉宇清涼太帝家  
畫閣方裁扇寒塘又鑿冰蓬壺山四徹何處是炎蒸  
仙宇賜符時仙棠葉尚稀曉來金屋靜同侍玉皇歸



端午日三首

梅聖俞

有酒不病飲况無菖蒲根空懷楚風俗角黍吊沉魂  
佳人五色縷道士絳囊符瘦臂不中繫百邪何用驅  
百草堪為藥舟行不汲收岸傍蕭與艾從聽到寒休

五月五日

屈氏已沉死楚人哀不容何嘗柰諛諂徒欲却蛟龍  
未泯生前恨而追歿後踪沅湘碧潭水應自照千峯

重五觀競渡

南方傳競渡多在屈平祠蕭鼓滿流水風烟生畫旗  
千橈速飛鳥兩舸刻靈螭盡日來江畔誰知輕薄兒

午日與陳直卿飲

午日逢南國三年別舊都招魂傳楚客撫節見靈巫  
蒿艾因時采蛟龍為俗驅清樽與鶩炙忻此故人俱

端午前保之太傅遺水墨扇及酒

畫扇雙酒壺置前兵吏立言將國匠竒重以風義執  
樹石冰上看山河月中入便持菖蒲飲不畏青蠅及

端午晚得菖蒲

薄暮得菖蒲猶勝竟日無我馬能免俗三揖向樽壺

端午同子宣平嵐榭晚酌望南山而有

張無盡

相見長嗟相聚稀平嵐危榭對晴暉牛羊遍野草初  
綠槐柳成陰春已歸頂上如生麋角解觜邊黃盡燕



鷓飛白頭共作天涯客幾向南山咏式微

端午獻扇

紈扇新成獻迺翁草堂虛寂起清風欲知妙用真無有不離而今掌握中

端午偶題

孤忠不屈赴湘流甘與龍逢地下遊若共蛟龍爭口食何如附會楚三休

端午觀競渡題北榭

龍舟鼓笛和吳歌綵索纏筒吊汨羅文腿千人齊奔棹豈知湖海有風波

重午晚登縣城景氣殊異况如曉光覆

映海色而停雲積霽點綴其間皆成物象天地之奇變也 崔正言

顏雲歛夕陰落日送歸鳥初愁山河暝忽見去雲海曉長洲帶清淺翠阜環深渺沙樹遠點浮巒小起我天際意便欲凌浩渺風蒲掛色遠鴻鵠共輕矯十年墮塵土爪髮今已槁妙物本無心何乃調此老驚呼初未定散滅俄稍稍亦以觀我生惆悵下城杪

端午書事

白子儀

火雲方熾又風薰誰柅天邊午日輪靖郭所生為責子靈均以死作忠臣朝衣耻立雞爭地宿幄雞量狗盜人休語前書憂喜事浴蘭角黍是良辰

端午無菖蒲

余安行

端午日已過更吟端午詩人間好時節寂寞強追惟  
有酒無菖蒲青粽謾繫昔人固所嗜我今莫薦之  
薄物尚如此翻思淚交垂

謝張仲謀端午送巧作 黃魯直

君家玉女從小見聞道如今盡不成剪裁似惜天女  
手萱草石榴偏眼明

新刊古今歲時雜詠卷第二十一

新刊古今歲時雜詠卷第二十二

古詩

夏至

夏至避暑北池

韋應物

晝晷已云極宵漏自此長未及施政教所憂變炎涼  
公門日多暇是月農稍忙高居念田里苦熱安可當  
亭午息羣物獨遊愛方塘門閉陰寂寂城高樹蒼蒼  
綠筠尚含粉圓荷始散芳於焉洒煩抱可以對華觴

夏至日作

權德輿

璿極無停運四序相錯行寄言赫曦景今日一陰生  
夏至日衡陽郡齋書懷 令狐楚



一來江城守七見江月圓齒髮將六十鄉閩越三千  
寒帷罕游觀閉閤多沉眠新節還微至故交盡相捐  
何時北閭闔上訴高天

和夢得夏至憶蘇州呈盧賓客

白居易

憶在蘇州日常諳夏至筵粽香筒竹嫩炙脆子鵝鮮  
水國多臺榭吳風尚管絃每家皆有酒無處不過船  
交印君相次寒帷我在前此鄉俱老矣東望共依然  
蘇州與劉盧分司人前後洛下典洛下麥秋月江南梅雨  
天齊雲樓上事已上十三年

今詩

夏至

夏至

張文潛

長養功已極大運忽云遷人間漫未知微陰生水泉  
生殺忽更極寒暑遂成年崔嵬干雲樹安能保芳鮮  
幾微物所忽漸進理必然偉哉觀化子默坐付亡言

古詩

伏日

懷縣

晉潘岳

南陸迎脩景朱明送未垂初伏啓新節降暑方赫曦  
朝想慶雲興夕遲白日移揮汗辭中字登城臨清池  
涼飈自遠集輕禁隨風吹靈圃曜華果通衢列高椅



伏日

程曉

平生三伏時道路無行車閉門避暑卧出入不相過  
今世態穢子按態字一本作態一觸熱到人家主人  
聞客來嘖嘖柰此何謂當行起去安坐正絆跨所說  
無一急啗哈一何多疲瘁向之久甫問君極那搖扇  
髀中疼流汗正滂沱莫謂此小事亦是人一瑕傳誠  
諸高明熟行宜見歌

和長孫祕監伏日苦熱 任希古

正暑三時晚金羈五日歸北林開逸徑東閣敞閑扉  
池鏡分天色雲峯減日輝游鱗映荷聚鷺翰繞林飛  
披襟楊子宅舒嘯仰重闈

同李吏部伏日呈元庶子路中丞

包佶

火炎逢六月金伏過三庚幾度衣裳澣誰家枕簟清  
頒冰無下位裁扇有高名吏部選開甕勤二客卿  
廣州王園寺伏日即事寄北中親友

王言史

南越逢初伏東林度一朝曲池煎畏景高閣絕微颺  
竹簟移先洒蒲葵破復搖地偏茅瘴近山毒火威饒  
裛汗絺如濯親床枕並燒墮枝傷翠羽萎葉惜紅蕉  
且困流金熾難成獨酌謠望霖窺潤礎思吹候纖條  
旅恨生烏澣鄉心繫浴橋誰憐在炎客一夕壯容銷

伏日就楊評事湖上避暑 皎然

大火方爍石 停雲晝所收 從容賞心膺 畏景難遠游  
擁几苦炎伏 出門望汀洲 迴溪照軒宇 廣陌臨梧楸  
釋悶命雅瑟 放情思亂流 更將無生論 可以清煩憂

今詩

伏日

和潞公伏日讌府園示座客

温公

盛陽金氣伏 華宇玉樽開 真率除煩禮 耆英集上才  
炎蒸疑遠避 流景忘西頰 幸忝後遊並 仍慙右席陪  
蒲葵參執扇 冰果侑傳杯 相國方留客 如何務早回

初伏休沐

宋景公

伏祠詔休偃 閉門謝朋儕 羲和挾升陽 曉氣紅崔嵬  
炎林鬱敲霧 焦原橫赭埃 怒甚萃雲旱 始隆雷  
况我庇茨宇 煩襟安得開 因拘新中憐 仇怨避酒杯  
湯沐未及具 返為蟣蝨哈 北風殊香嘿 羲人安在哉

中伏日永叔遺冰

梅聖俞

日色苦炎火 正當三伏時 盤冰賜近臣 絡繹中使馳  
瑩徹消水玉 凜氣侵人肌 近日多故友 分貺能者誰  
信都願貧賤 物義不遺念 我老且病赤 痲生枯皮  
巨塊置我前 凝結造化移 畏冷不敢食 有類夏虫疑  
雖然已快意 何必咀嚼為 天子厚於公 不使熾毒欺

公亦厚於我將恐煎熬隨我有舐犢愛自憐小子龜

太尉相公中伏日池亭宴會得山字

何言避徂暑清宴水軒閑竹氣陰池鳳雲峯照衮山  
玳簪方映座綵服赤承顏樂奏寒波上杯香綠芝間  
瓜浮五色爛簾捲半鉤彎今日賓裾盛袁劉豈足攀

和中道伏日次韻

伏日每苦熱古來亡事侵嘗聞東方朔割肉陰庭陰  
百職當早罷將畏赫日臨我無歸遺人懷念空需沾襟

中伏日陪二通判妙真寺避暑時有僧鼓琴于座上

紺宇迎涼日方床御綵衣清談停玉麈雅曲弄金徽  
高樹秋聲早長廊暑氣微不須河朔飲煮茗自忘歸

伏中暑甚七月八日立秋是日風作

張文潛

西風吹淡白窓戶含淒清炎涼一朝變徂暑逝不停  
山堂曉瀟洒病更衣褐輕平時齊雲樹芳草亦復零  
苦熱逢三秋西風颼然起金行入草木傷夷從此始  
盛極衰從之循環固其理老翁復何事新涼欣酒美  
初伏大雨呈無咎

初伏炎、坐湯釜長安行人汗沾土誰傾江海作清  
涼玄雲駕風橫白雨補陀真人甘露手能使闕乏厭  
膏乳且欲當風展簟眠敢辭避漏移床苦清貧學士  
卧陶齋壁上墨君淡無語翰林但解嘲首宿彭宣不



得窺歌舞聯詩得句笑出者策馬涉泥歸閉戶床頭  
餘榼定何嫌窓外石榴堪薦俎

入伏後一日

老火熾而熖端能流弱金清秋有微警西風生薄陰  
日中無停暉俛仰忽已沉齊紈不足玩流景逝駸  
盛衰寧獨行中吳密相尋蓬茅有佳處亦足慰人心

出伏調潘十

伏尽熱隨尽古語當有憑淮南歲苦旱秋暑鬱方蒸  
老火熾而熖弱金融未凝火雲大江沸烈日羣山頽  
平生白羽扇揮拂何功能蓬頭卧永晝起冠汗沾纓  
柯山屢空子貧病復相仍衡茅未可詣作詩問寢興

出伏後風雨頓涼有感三首時已立秋

西風振秋曉萬境一戶清幽草虫鳴急葉露華凝戢  
翼鳥尚宿引吭雞屢鳴淹留變華歲悵然難為情  
三伏如湯釜熏煮理亦足西風半夜雨窓戶一清肅那  
能惜搖落苦喜過炎燠老人亦晨起稍進杯中醪  
殘暑扇中盡清涼枕上歸微雲起平遠空碧上朝晞  
稍感夏衣薄漸傷高葉稀來鴻飛集喜卒歲稻梁肥

伏暑日唯食粥一甌盡屏人事頗逍遙  
効皮陸體

烈日炎風鼓大爐藤床瓦枕閉門居屏書居士持齋  
日掛壁禪僧問法圖隣汲滿携泉似乳新春旋糴米



如珠飽飡饘粥消長夏况值飢年不敢餘

末伏日五更小涼

幽人短夢不終宵起步星河望泐寥缺月低簷雞一  
唱露華秋色滿芭蕉

山中伏日

豹林先生

蕭然水曲與山根洗鍊丹靈絕垢痕世上炎三伏  
熱難教熱到不爭門

初伏後偶書呈抑之

白子儀

炎天三伏經初伏火烈石焚疑此時鈎帶已逢瓜入  
座扶疎還愛樹成帷良田廣宅富家事萬壑千岩通  
客期顧念宿心俱未適但慙種種髮垂絲

暑伏偶書呈端祖仰之

白子儀

歲時三伏每相承雨汗居人困不勝况是五絃均長  
養何須六幕苦炎蒸中乾願沃仙盤露上賜堪加凌  
室冰安得天風破煩溽釋然羣動返清澄

新刊古今歲時雜詠卷第二十三

古詩

立秋

立秋日題日晏寺北山亭 孫逖

樓峴倚長霄登攀及霽朝高如石門頂勝擬赤城標  
天路雲虹近人寰氣象遙 伯禹廟江落伍胥潮  
徂暑迎秋薄涼風是日飄菓林餘苦李萍小覆甘焦  
覽古嗟夷漫凌空愛泐寥更聞金刹下鍾梵晚蕭

同諸公立秋日登琴臺 高適

古跡使人感琴臺空寂寥靜然願遺塵千載如昨朝  
臨眺自茲始羣賢久相邀方興形神高孰知天地遙



四時何倏忽六月鳴秋蛩萬象歸白帝平川橫赤霄  
猶是對夏伏幾時為涼飈驚雀滿簷楹鴻鵠將扶搖  
物性各自得我心在漁樵兀然還復醉尚欲挹顏瓢

立秋日雨院中有作

杜甫

山雲行絕塞大火復西流飛雨動華屋蕭蕭梁棟秋  
窮途愧知己暮齒借前籌已費清晨謁那成長者謀  
解衣開北牖南枕對南樓樹濕風涼進江喧水氣浮  
禮寬心有適節爽病微瘳王將歸調鼎吾還訪舊丘

立秋後題

日月不相饒節叙昨夜隔玄蟬無停號秋燕已如客  
平生獨往願惆悵年半百罷官亦由人同事拘形役

立秋日

劉言史

商風動葉初蕭索一貧居老性容茶少羸肌與蕈踈  
舊醅難重漉新菜未勝鉏才薄無潘興便畫偃廬

立秋

茲晨戒流火商飈早已驚雲天收夏色木葉動秋聲

立秋日

司空曙

律變新秋至蕭條自此初花酣連報謝葉在柳呈踈  
澹日非雲映清風似雨餘卷簾涼暗度迎扇暑先除  
草靜多翻燕波澄乍露魚今朝散騎省作賦興何如

王太常立秋日即事

秋宜何處看試問白雲官暗入蟬鳴樹微侵蝶繞蘭



向風涼稍動近日暑猶殘九陌浮埃滅千峯爽氣攢  
換衣防竹暮沉果訝泉寒宮響傳花杵天清出露盤  
高禽當側弁遊鮪對憑欄一奏招商曲空令繼唱難

同前

盧綸

山高雲日明潘岳賦初成籬槿花無色階桐葉有聲  
絳紗垂簟靜白羽拂衣輕鴻鴈悲天遠龜魚覓水清  
別絃添楚思牧馬動邊情田雨農官問林風苑吏驚  
松篁餘盛茂蓬艾自衰榮遙仰憑軒夕惟應善宋生

立秋日與陸三原於縣界送鄒十八

武元衡

風入泥陽池館秋片雲孤鴈兩難留明朝獨向青山

郭唯有蟬聲催白頭

立秋日悲懷

令狐楚

清曉上高臺秋風今日來又添新節恨猶抱故年衰  
淚豈揮能盡泉終閉不開更傷春月過私服亦無縑

立秋日

平日本多恨新秋偏易悲燕詞如惜別柳意已呈衰  
事國終無補還家未有期心中舊氣味苦校去年時

立秋日曲江憶元九

白居易

下馬柳陰下獨上堤上行故人千萬里新蟬三兩聲  
城中江曲水江上江陵城兩地新愁思應同此日情

立秋日登樂游原



獨行獨語曲江頭  
迴馬遲遲上樂游  
蕭颯涼風與衰髮  
誰教計會一時秋

立秋夕有懷夢得

露簟簌竹清風扇  
蒲葵輕一與故人  
別再見新蟬鳴  
是夕涼飈起閑境  
入幽情迴燈見樓  
鶴隔竹聞吹笙  
夜茶一兩杓秋吟  
三數聲所思渺千里  
雲外長洲城

立秋夕涼風忽至炎暑稍清即事詠懷

寄汴州節度使李二十尚書

嫋嫋簷樹動好風  
西南來紅缸霏微滅  
碧幌飄颻開披襟  
有餘涼拂簟無纖埃  
但喜煩暑退不惜光陰推  
河秋稍清淺月午方徘徊  
或行或坐卧躰適心悠哉

美人在浚都旌旗繞樓臺  
雖非滄溟阻難見如蓬萊  
蟬迎節又換雁送書未迴  
君位日寵重我年日摧頽  
無因風月下舉平生盃

奉酬樂天立秋夕有懷見寄

李紳

深夜星漢靜秋風初報涼  
堦篁淅瀝響露葉參差光  
冰兔半升魄銅壺微滴長  
薄帷乍飄捲襟帶輕搖颺  
此際昏夢清斜月滿軒房  
徒履步前楹劍戟森在行  
重城宵正分號鼓牙相望  
獨有所思夫君鸞鳳章  
天津落星河一葦安可航  
龍泉白玉首魚服黃金裝  
報國未知效惟鷄徒在梁  
徘徊顧戎旃顛氣生東方



衰葉滿欄草班毛盈鏡霜羸牛永脫轅老馬強騰驥  
吟君白雪唱慙愧已人腸

華州周侍郎立秋日奉詔祭嶽聊寄是  
詩以申誠戀

李景讓

關河廓靜曉雲開承詔秋祠太守來山霽蓮花添翠  
黛路陰桐葉少塵埃朱轡入廟威儀肅玉佩昇壇步  
武回往歲今朝幾時事謝君非重我非才

詠李常侍立秋日奉詔祭嶽見寄

周墀

秋祠靈嶽奉樽壘風過深林古陌開蓮掌月高珪幣  
列金天羽衛鬼神陪質明三獻雖終禮祈壽千年別

上材豈是瓌才能祀事弘農太守主張來常侍曾領  
北郡故有

斯句

立秋後自京歸家

李郢

籬落秋歸見豆花竹門當水岸橫槎松齋一雨宜清  
簞佛室孤燈對絳紗盡日抱愁跼似鼠移時不動嬾  
於虵西江近有鱸魚否張翰扁舟始到家



新刊古今歲時雜詠卷第二十四

今詩

立秋

立秋日禱雨宿靈隱寺同周徐二令

東坡

百重堆案掣身閑一葉秋聲對榻眠床下雪霜侵戶  
月枕中琴筑落塔泉崎嶇世味嘗應遍寂寞山西老  
漸便惟有憫農心尚在起占雲漢更茫然

自立秋後便涼詩示秬等

張文潛

暑別齊紈知有日秋生蘄竹果如期月明半夜似相



覓角怨五更知為誰風露滿天河轉後江山千里雁  
來時短檠莫倦親燈火又見槐花黃滿枝

立秋日二絕

西風嫋嫋木颼颼身在湖湘北岸舟自古楚人詞賦  
好為君重賦廣陵秋  
對酒聊同楚人醉哦詩惟聽越吟聲洞庭北岸孤城  
下落日西風聽晚鶯

六月二十三日立秋夜行泊林竹口

浙浙晚風起孤舟秋思生蓬窓一螢過岸葦亂蛩鳴  
老大興為客風波難計程人家夜深語應念客猶征  
吳楚封疆接東南澤國寬江流秋日淨山霽暮雲閑

囊有離騷賦頭餘騎省班新秋聊把酒一笑且顏開

立秋日書懷

王景葵

一歲中分氣序平夫何猶有感秋情已饒健鵲凌空  
翻肯作寒蛭抱樹聲桐葉旋愁經雨墜桂枝還喜得  
風生夜涼頻愜山居興天澹銀河徹曉清

中山立秋

宋景公

峯雲曉影破孱顏萬里風生結早寒人在兜零烟外  
走歲從鷓鴣口中殘槽花併滴添新酌筍月兼輪掩  
故執白髮光陰誠可惜五年搔首望長安

立秋會監司

張無盡

豆葉飛空忽報秋玉醅浮蟻恰新篘相逢昂飲聊乘



興萬事從他一日休

立秋後有感

楊齊

一雨助涼天氣醒  
夜來殘葉報秋聲  
人歌曼倩書重  
癸客笑相如賦不成  
驚破鶴心宵露重  
送他鴻翼晚  
風清功名未了男兒事  
爭遣心頭繫得旌

立秋書懷

東溪先生

立秋通夕雨如繩  
一霎微寒犯葛衾  
金氣淒涼悲肺腑  
樹聲蕭瑟帶商音  
稻田在處雲連野  
楸葉何人髻  
可簪自惜茂陵多病客  
感陰惆悵吟孤吟

新刊古今歲時雜詠卷第二十四

新刊古今歲時雜詠卷第二十五

古詩

七夕上

七夕

迢迢牽牛星皎皎河漢女  
織織擢素手札札弄機杼  
終日不成章泣涕零如雨  
河漢清且淺相去復幾許  
盈盈一水間脉脉不得語

七月七日

李充

日朗垂玄景共漢截昊蒼  
牽牛難牽牛織女守空箱  
河廣尚可越怨此漢元梁

九詠

曹植



乘迴風兮浮漢渚目牽牛兮眺織女交有際兮會有期嗟痛吾子兮來不時

七月七日侍皇太子宴玄圃園

晉潘尼

商風初授辰火微流朱明送夏少昊迎秋嘉禾茂園芳草被疇於時我后以豫以游

七夕觀織女

晉王鑿

牽牛曹殊館織女悼離家一稔期一宵此期良可嘉赫奕玄門開飛閣鬱差莪隱隱駘千乘闐闐越星河六龍奮瑤轡文螭負瓊車太舟秉理燭素女執瓊華絳旗若吐電朱蓋如振霞雲韶何嘈噉靈鼓鳴相和

閭闔殊未暉咸池豈沐髮漢陰不夕張長河為誰越雖有促讌期方須涼風發虛計雙曜同空遲三星沒非怨杼軸勞但念芳菲歇

七夕詠牛女

宋謝惠連

落日隱簷楹升月照簾櫳團團滿葉露淅淅振條風蹀足循廣除瞬日晒層穹雲漢有靈匹弥年闕相從遐川阻昵愛脩渚曠清容弄杼不成藻聳轡驚前蹤昔離愁已兩今聚夕無雙傾河易迴幹款情難久悰沃若靈駕旋寂寞雲幄空留情顧華寢遙心逐奔龍沉吟為爾感情深意彌重

七夕月下

宋王僧達



遠山歛氛侵廣庭揚宵波氣往風集隙秋還露泣柯  
節期既已屏中宵振綺羅來歡詎終夕收淚泣分河

七夕詠牛女

宋謝靈運

火逝首秋節新明弦月夕月弦光照戶秋首風入隙  
凌峯步曾崖憑雲肆遥脉徙倚西北庭踈踊東南覲  
紈綺無報章河漢有駿軌

和玉興七夕

鮑照

宵月向掩夜霧當白寒机思孀婦秋堂泣征客  
疋命無單年偶影雙夕暫交金石心須臾雲雨隔

七夕

牛女應詔

宋謝莊

輟机起春暮停箱動秋襟旋車照漢右芝駕肅河陰

停軒紆高盼眷予在岌蛾澤因芳露沾恩附蘭風如  
朝發相送游翩、鸞鷲羅同游不同觀念子憂怨多  
敬因三祝末以爾屬皇娥

七月七日詠織女

晉蘇彥

火流涼風至少昊協素藏織女思北征牽牛歎南陽  
時來嘉慶集整架中玉箱瓊珮垂藻蕤霧裾結雲裳  
金翠耀華輜軒轅散流芳釋轡紫微庭解衿琳碧堂  
欣嫵未及究晨暉昭扶桑仙童唱蒲道盤螭起騰驤  
悵、三宵促遲、別日長

七夕

宋孝武

開庭鏡天路餘光不可臨  
泂風被弱縷迎輝貫玄鍼



斯藝誠无取時務聊可尋

同前

白日傾晚照弦月升初光  
泣葉露滿肅庭風楊  
瞻言媚天漢幽期濟河梁  
服箱從奔軺紈綺闕成章  
解帶遽迴軫去誰秋夜長  
愛聚雙情款念離兩心傷

七夕詠牛女

宋南平王

秋動清風扇火移炎氣歇  
廣簷含夜陰高軒通夕月  
安步巡芳林傾望極雲闕  
組幕雲漢陳龍駕凌霄發  
誰云長河遙頗覺促筵悅  
沉情未申寫飛光已飄忽  
來對眇難期今歡自茲

代織女贈牽牛

宋顏延之

婺女儷經星姮娥棲飛月  
慙無二媛靈託身侍天闕

珠殿釭未殊瑶庭露已深夜  
清豈掩拂弦暉無久臨

望織女一作范云

梁武帝

盈盈一水邊夜夜空自憐  
不辭精衛苦河流未可填  
寸情百重結一心萬處懸  
願作雙青鳥共舒明鏡前

七夕

白露月下團秋風枝上鮮  
瑶臺涵碧霧瓊幕生紫煙  
妙會非綺節佳期乃良年  
玉壺承夜急蘭膏依晚煎  
昔悲漢難越今傷河易旋  
怨咽雙念斷悽別兩情懸

同前

梁簡文帝

秋期此時浹長漢從河靈  
紫烟凌鳳羽紅光乘玉輶  
洛陽疑劍氣城都恠客星  
天梭織未久方逢今夜停



七夕穿針

憐從帳裏出想見夜窓開針歌疑月暗縷散恨風來

七夕詠穿針

柳惲

代馬秋不歸緇紈無復緒迎寒理衣縫映月抽纖縷  
的皜愁睇光連娟思眉聚清露下羅衣秋風吹玉柱  
流陰稍已多餘光欲誰與夕餘光欲難取

答唐娘餉七夕穿針

徐悱妻劉氏

倡人助漢女靚粧臨月華連針學並帶縈縷作開花  
孀閨浥羅綺攬贈自傷嗟雖言未相識聞道出良家  
曾停使君綺經過惠車

七夕感逝

宋務先

生代日何短徂遷歲欲暮始聞春鳥思溘見涼露滋  
皎皎河漢匹三秋會有期嗟嗟琴瑟偶一去無還時  
晴壁看遺挂虛簷想步綦流芳行處歇空色夢中疑  
昔有秦嘉贈今為潘岳詩百憂人自老玄髮新成絲

七夕

牽牛遙映水織女正登車星橋通漢使机石逐仙槎  
隔河相望近經秋離別賒愁將今夕恨復着明年花

七夕穿針

梁劉遵

步月如有意情來不自禁向花抽一縷舉袖弄雙針

四時行生回

三月三日吐泉水七月七日芍陂塘鳳屬蛾眉粧玉

面朱簾繡戶映新粧

七夕穿針

梁劉孝威

縷亂恐風來衫輕羞指見故穿雙眼針持縫合歡扇

織女贈牽牛

梁沈約

紅粧與明鏡二物本相親用持施點畫不照離居人

往秋雖一照一照復還塵生不復拂蓬首對河津

冬夜寒如是寧遽道陽春初商忽云至暫得奉衣巾

施衿已成故每恥輒如新

牽牛答織女

梁王筠

新知與生別由來儻相值豈如寸心中一宵懷兩事

歡娛未繾綣倏忽成離異終日遙相望祇益生愁思

猶想今春悲尚有故年淚忽遇長河轉獨喜涼飈至  
奔精翊鳳軫鐵阿警龍轡

詠織夕

梁劉孝儀

金鈿已照曜白日未蹉跎欲待黃昏至含嬌渡淺河

七夕

梁何遜

仙車駐七襄鳳駕出天潢月映九微火風吹百和香

逢歡暫巧笑還淚已啼粧依稀猶洛汭倏忽似高唐

別離不得語河漢漸湯湯

同前

梁庾肩吾

玉匣卷懸衣針綫開夜扉姮娥隨月落織女逐星移

離前看促夜別後對空机倩女雕陵鵲填河未可飛



七夕宴宣猷堂各賦一韻詠五物目足  
為十并牛女一首五韻物次第用得帳  
屏風案唾壺履座有陸瓊傳續陸瑜姚察等四人陳後主

錦作明玳床翻垂光粉壁帶日芙蓉照因吹芳芬拆  
織成如績采琉璃畏風繫秦宮得絕超漢座殊班敵屏風  
已羅七莖滿兼逢百品易張陳昔贈言梁室齊眉席業  
蘊仙此還異掌漏翻非役侍臣乃執捧良賓乃投擲吐壺  
賢舍親穴踵瓜田觀跂迹矩步今有儀用此前嘉客履

七夕宴重詠牛女各為五詠座有劉肌安遠侯方華張式陸

瓊顧野褚玠謝由周填傅緯陸瑜柳莊王瑳等十三人上

明月照高臺仙駕忽徘徊雷徒聞車度霞上見粧開

房移看動馬斗轉望斟杯鬢色隨星去髻影雜雲來  
更覺今宵短只遽日輪催

同管記陸琛七夕五韻

亭：秋月明團，夕霧輕鳳駕今時渡霓騎此宵迎  
疏上來霞動粉外白雲生故嬌隔分別新歡起舊情  
含笑不終夜香風空自停

同管記陸瑜七夕四韻陸瑜王瓊等二人上和

河漢言清淺相望限煙霄雲生劍氣沒槎還客宿遙  
月上仍為鏡星連可代橋惟當有今夕一夜不迢迢

初伏七夕已覺微涼既引應徐且命燕  
趙清風朗月以望七襄之駕置酒陳樂



各賦四韻之篇

座有張式陸瓊顧野  
陸瑜等五人上

廣席多才後重合引珠妍管絃檐外響羅綺樹中鮮  
舉針還向月上舞復依筵度河將殿相看併是仙

七夕宴樂脩殿各賦六韻

座有張式陸瓊褚玠  
王瑛傅緯陸瑜姚察等七

秋初芰荷殿寶帳芙蓉開玉笛隨絃上金鋪逐照迴  
釵光搖玳瑁柱色輕玫瑰笑鬢人前歛衣香動處來  
非同七衰駕詎隔一春梅神仙定不及寧用流霞盃

七夕宴立圃各賦五韻

座有顧野王陸瑜  
姚察等四人上

殿深炎氣少日落夜風清月小看針暗雲開見綫明  
絲調聽魚出吹響間掉聲度更銀燭盡陶暑玉卮盈  
星津雖可望詎得以人情

七夕

隋江總

漢曲天榆冷河邊月桂秋婉孌期今夕飄飄渡淺流  
輪隨列宿動路逐彩雲浮橫波翻瀉淚束素反緘愁  
此時機杼息獨向紅粧羞

同前二首

隋王春

天河橫欲曉鳳駕儼應飛落月移粧鏡浮雲動別衣  
歡逐今宵盡愁隨還路歸猶將宿昔淚更上去年機  
終年恒弄杼今夕始停梭却鏡看斜月移車度淺河長  
屏動星珮輕帳掩雲羅舊愁雖暫止新愁還復多

同前

高宗

羽蓋飛天漢鳳駕越曾巒俱嘆三秋阻共叙一宵歡



滿虧夜月落鬻碎曉星殘誰能重操杼織手擢清瀾

奉和七夕應制

許敬宗

牛閨臨淺漢鸞駟涉秋河兩河縈別緒一宿慶停梭  
星 鈿裏鬻月 娥奈許今宵度長嬰離恨多

七夕

高宗

蛻裳轉雲路鳳駕儼天潢虧星凋夜鬻殘月落朝黃  
促歎今夕促長離別後長輕梭聊駐織掩淚獨悲傷

奉和七夕應制

許敬宗

婺閨期今夕蛾輪泛淺潢迎秋伴暮雨待暝合神光  
薦寢低雲鬢程態解霓裳喜中愁淚促別後恐天長

七夕賦詠成篇

何仲誼

日、思歸勤理髮朝、佇望嬾調梭凌風寶扇遙臨  
月映水仙車遠渡河歷、珠星疑拖珮冉、雲衣似  
曳羅通宵道億終無盡向曉離愁已復多

同前

沈叔安

皎、宵月麗秋光耿、天津橫復長停梭且復留殘  
緯拂鏡及早更新粧彩鳳齊駕初成列凋鵲填河已  
作梁雖喜得同今夜枕還愁重空明日床

同前

凌敬

夙駕鳴鸞啓閭闔霓裳遙裔儼天津五明霜紈開月  
扇百和香車動畫輪婉孌夜分能幾許靚粧冶服為  
誰新片時歡娛自有極已復長望隔年人



同前

許敬宗

一年愁怨嗟長別一夕含態始言歸  
飄飄羅襪光天步灼灼新粧  
鑒月輝情催巧笑開  
靨不惜呈露解雲衣所歎  
隨更漏盡掩泣還弄  
昨宵機

和東觀羣賢七夕臨泛昆明  
任希古

秋風始搖落秋水正澄鮮  
飛眺牽牛渚激賞鏤鯨川  
岸珠淪曉魄池灰歛曙煙  
泛香分寫漢儀星別構天  
雲光波處動日影浪中懸  
驚鴻絳蒲弋游鯉入莊筌  
萍葉凝江上菱花似鏡前  
長林代輕幄細草即芳筵  
文華開翠湫筆海控清漣  
不挹蘭樽聖空仰桂舟仙  
和長孫祕監七夕

三秋叶神媛七夕望仙妃  
影照河陽伎色麗平津  
闈鵲橋波裏出龍車  
宵外飛露泣低珠佩雲移薦錦衣  
更深黃月落夜久靨星稀  
空接靈臺下方慙辯支機

七夕

權德輿

佳期人不見天上喜新秋  
玉佩霑清露香車渡淺流  
東西一水隔迢遞  
兩年愁別有穿針處  
微明月映樓

同前

李賀

別浦今朝暗羅帷  
午夜愁鵲辭穿線  
月花入曝衣樓  
天上分金鏡人間望玉鉤  
錢塘蘇小更值一年秋



新刊古今歲時雜詠卷第二十六

古詩

七夕下

和李公七夕謝惠連體

任希古

落日照高牖涼風起庭樹悠々天宇平照々月華度  
開軒卷綃幕延首睇雲路曾漢有靈妃仙居無與晤  
履化悲流易臨川怨遲暮昔從九春阻方此三秋遇  
瑤駕越星河羽蓋凝珠露便妍耀井色窈窕凌波步  
始越故人新俄見新人故掩淚收機石銜啼襪紈素  
惆悵何傷已徘徊勞永慕無由西北歸空自東南顧

七夕

張文恭



鳳律驚秋氣龍梭靜夜機星橋百枝動雲路七香飛  
映月迴雕扇凌霞曳綺衣含情向華帳流態入重闈  
歡餘夕漏盡怨結曉驂歸誰念分河漢還憶兩心違

同前

杜審言

白露含明月青雲斷絳河天街七襄轉關道二神過  
袿服鏘環珮香遙拂綺羅年々今夜盡機杼別情多

七夕侍宴應制

一年銜別怨七夕始言歸涕開星靨微步動雲衣  
天迴免洛河曠鵲停飛那堪盡今夜復往弄殘機

七夕泛舟并序

盧照隣

諸公迹寓市朝心游江海訪奇交於千里恨良辰於

寸陰常恐孤負琴書荒涼山水於是脫屣人事鳴棹  
川隅言追挂犢之才用卜牽牛之賞邊生經笥送炎  
氣以濯纓郝氏書囊臨秋光而曝背似遇緱山之客  
還疑星漢之游願駐於高天相乘霓於縮地繁絲  
亂響涼酌時斟狎戲羽於生沙釣潛鯁於曲浦乘流  
則逝不覓忘歸咸使賦詩探韻成作云爾  
汀葭肅暮暑江樹起初涼水疑通織室舟似泛仙潢  
連沙度急響鳴棹下浮光日晚菱歌唱風煙滿夕陽  
鳳杼秋期至鳧舟野望開微吟翠塘側延想雲隈  
石似支机罷查疑犯宿來天潢殊漫漫日暮獨悠哉

同前

梁鎰



雲端有靈正掩映拂粧臺夜久應搖珮天高響音不來  
片冠秋始展殘夢曉翻催却怨填河鵲留橋又不迴

牛女

沈佺期

粉席秋期緩針樓別怨多奔籠爭度日飛鵲亂填河  
失喜先臨鏡含羞未解羅誰能留夜色來夕倍還梭

曝衣篇并序

按卜子陽

有武帝曝衣閣帝至七

月七日夜宮女出后衣登樓曝之因賦曝衣篇  
君不見昔日宜春太液邊披香畫閣與天連燈光灼  
爍九微映香氣氤氳百和然此夜星繁河正白人傳  
織女牽牛客宮中擾曝衣樓天上娥紅粉席曝

衣何許曛半黃宮女綵女提玉箱珠履角騰上蘭砌  
金梯宛轉出梅梁絳河裏碧烟上雙花伏兔劔屏風  
七子盤龍擎斗帳舒羅散穀雲霧開綴玉垂珠星漢  
迴朝霞散著衣架曉月分光劣鏡臺上有仙人長  
命錦中有三女迎歡繡玳瑁簾中別作春珊王窓裏翻  
成畫椒房金屋寵新流意氣嬌奢不自由漢文宜惜  
露臺產晉武須焚前殿裘

七夕

秋近鴈行稀天高鵲夜飛粧成應嬾織今夕渡河歸  
月皎宜穿線風輕得曝衣來時不可覓神駘有光輝

同賦山居七夕

李嶠



明月青山夜高天  
白露落花庭開粉席雲  
石類支机影池似泛槎  
流暫驚河女鵲終狎野人鷗

七夕應制

靈匹三秋會仙期  
七夕過槎來人泛海橋  
度鵲填河帝綫昇銀閣  
天機罷玉梭誰言七襄詠  
重入五絃歌

同前

趙彥昭

青女三秋節黃姑七日期  
星橋渡玉佩雲閣掩羅帷  
河氣通仙掖天文一眷詞  
今宵望雲漢應得見蛾眉

同前

劉憲

秋吹過雙闕星仙動  
二靈更深移月鏡河淺度雲軒  
殿上徵方朔人間失武丁  
天文茲夜裏光映紫微庭

同前

李义

桂宮明月夜蘭殿起  
秋風雲漢弥年阻衾筵  
此夕同條來疑有處旋去  
已成空眷作鈞天響魂飛  
在夢中

七夕

宋之問

傳道仙星媛年會水隅  
停梭借蟋蟀留巧付蜘蛛  
去晝從雲請歸輪  
竚日輸莫言相見闊天上日應殊

奉和聖製七夕應制

蘇頲

靈媛乘秋發仙裝  
警夜催月光窺欲度河色辯應來  
機石天文寫針樓御賞開竊觀  
栖鳥至疑向鵲橋迴

閏月七日織女

王湾

耿耿曙河微神仙此日稀  
今年七月閏應得兩迴歸

牽牛織女

杜甫

牽牛出河西織女處其東萬古永相望七夕誰恩同  
 神仙意難候此事終朦朧颯然精靈合何必秋遂通  
 亭、新粧立龍駕具層空世人亦為爾祈請走兒童  
 稱家隨豐儉白屋達公官膳夫翊堂殿鳴玉淒房櫳  
 曝衣遍天下曳月揚微風蛛絲小人態曲掇瓜果中  
 初筵凜重露日出甘所終嗟汝未嫁女秉心鬱忡忡  
 防身動如律竭力机杼中雖無姑舅事散昧織作功  
 明、君臣契咫尺或未容義無育礼法恩始夫婦恭  
 小大有佳期戒之在至公方圓苟齟齬丈夫多英雄  
 孟浩然

他鄉七夕

他鄉逢七夕旅館益羈愁不見穿針婦空懷故國樓  
 緒風初減熱新月始含秋誰忍窺河漢迢迢望斗牛

七夕

崔國輔

太守仙潢族含情七夕多扇風生玉漏置水寫銀河  
 閣下陳書籍閨中曝綺羅遥思漢武殿青鳥幾時過

同前

韋應物

人世拘形迹別去間山川豈意靈仙偶相望亦弥年  
 夕衣清露濕晨駕秋風前臨歡定不住當為何所牽

同前

楊衡

漢浦常多別星橋忽重游望雲迎翠輦當月拜珠旒  
 寢幌凝宵態粧奩閉曉愁不堪鳴杼日空對白榆秋



同前

涼風吹三露河漢有幽期星彩光仍隱雲容掩復離  
良宵驚曙早閨歲怨秋遲何事金閨子空傳得網絲

盧綸

同前

祥光可若求閨女夜登樓月露浩方下河雲凝不流  
鈿華潛警曙机杼暗傳秋迴想歛餘睠人天俱是愁

祖詠

同前

閨女求天女更闌意未闌玉庭開粉席羅袖捧金盤  
向月穿針易臨風整線難不知誰得巧明旦試看看

劉言史

七夕歌

星寥々兮月細輪佳期可想兮不可親雲衣香薄粧

態新彩駢悠悠度天津玉幌相逢夜將極妖紅慘黛  
生愁色寂寞低容入舊機歌着金梭思往夕人間不  
見因誰知萬家閨絕求此時碧空露重彩盤濕花上  
乞得蜘蛛絲

七夕

清江

七夕景迢迢相逢只一宵月為開帳燭雲作渡河橋  
映水金冠動當風玉珮搖預愁更漏促離別在明朝

同前

崔顥

長安城中月如線家家此夜持針線仙裾玉佩空自  
知天上人間不相見長信深陰夜轉幽玉堦金闕數  
螢流班姬此夕愁無限河漢三更看斗牛



同前

今夕雲輶渡鵲橋應非脉脉與迢迢佳人競喜開粧  
鏡月下穿針拜九霄

權德輿

七夕見諸兒孫題乞巧文

外孫爭乞巧內子共題文隱映花簾對參差綺席分  
鵲橋臨片月河鼓掩輕雲羨此嬰兒輩歡呼徹曙聞

七夕曲

王建

河邊獨自對星宿夜織天絲難接續拋梭振躡動明  
杼為有秋期眠不足遥愁今夜河水隔龍駕車轅鵲  
填石流蘇翠帳星渚間環珮無聲燈寂、兩情纏綿  
忽如故復畏秋風生曉路幸迴郎意且斯須一年中

別今始初明星未明少停車

七夕寄懷

竇常

露盤花水望三星髮髻虛無降匹靈斜漢沒時人不  
寐幾條蛛網下風庭

七夕二首

劉禹錫

河鼓靈旗動常娥破鏡斜滿空天是幕徐轉斗為車机  
罷猶安石橋成不礙查誰知觀津女終日望雲涯  
天衢啓雲帳神馭上星橋初喜渡河漢頻驚轉斗杓  
餘霞張錦帳輕電閃紅綃非是人間世還悲後會遥

同前

白居易

煙霄微月澹長空銀漢秋期萬古同幾許歡情與離



恨年年併在此宵中

同前

温庭筠

鵲歸燕去兩悠悠，青鎖西南月似鉤。  
天上歲時星右轉，世間離別水東流。  
金風入樹千門夜，銀漢橫空萬象秋。  
蘇小錢塘通桂檝，未應清淺隔牽牛。

七夕歌

鳴機札札停金梭，芙蓉澹蕩秋水波。  
夜軒紅粉陳香羅，風低蟬薄愁雙娥。  
微光奕々凌曙河，鸞咽鶴淚飄瓠歌。  
鸞橋銷盡柰愁何，天風澹蕩雲披陀。  
平明花水有秋意，露濕綵盤蛛網多。

七夕

李商隱

鸞扇斜分鳳幄開，星橋橫過鵲飛迴。  
爭將世上無期別，換得年々一度來。

辛未七夕

恐長仙家好別離，故教迢遞作佳期。  
由來碧落銀河畔，可要金風玉露時。  
清漏漸移相望久，微雲未接過來遲。  
豈能無意酬烏鵲，唯是蜘蛛乞巧絲。

壬申七夕

已駕七香車，心心待曉霞。  
風輕唯響珮，日薄不嬌花。  
桂嫩傳香遠，榆高送影斜。  
成都過卜肆，曾妬識雲槎。

壬申閏秋題贈烏鵲

繞樹無依月，正高鄴城新。  
淚濺雲袍幾年始，得逢秋



閨兩度填河莫苦勞

七夕偶題

寶婺搖珠珮常娥照玉輪  
靈歸天上足巧遺世間人  
花果香千戶笙竽溢四隣  
明朝晒犢鼻方信阮郎貧

題七夕圖

趙璜

帝子吹簫上翠微  
秋風一曲鳳凰歸  
明年七月重相見  
依舊高懸織女機

七夕

烏鵲橋頭雙扇開  
年々一度過河來  
莫嫌天上稀相見  
猶勝人間去不來  
欲減煙花饒俗世  
暫煩煙月掩粧臺  
別時舊路長清淺  
豈肯離心似死灰

七夕寄張氏兄弟

李郢

新秋牛女會佳期  
紅粉筵開玉饌時  
好與檀郎記花朵  
莫教清曉羨蛛絲

七夕

劉威

烏鵲橋成上界通  
千年靈會此宵同  
雲收喜氣星樓曉  
香拂輕塵玉殿空  
翠輦不行青草路  
金鑾從候白榆風  
綵盤花閣無窮意  
只在浮生一縷中

同前

唐彥謙

露白風清夜向晨  
小星垂佩月埋輪  
絳河浪淺休相隔  
滄海波深尚作塵  
天外鳳皇何寂寞  
世間烏鵲漫辛勤  
猗蘭殿北斜樓上  
多少通宵不寐人



同前

曹松

牛女相期七夕秋相逢俱喜鶴橫流  
形寒縹緲迴金輅明月嬋娟挂玉鉤  
曾添別恨花容終不更含羞  
更殘便是分襟處曉箭東來射翠樓

同前

羅隱

月帳星房次第開兩情唯恐曙光催  
時人休用金針待沒得心情送巧來

新刊古今歲時雜詠卷第二十六

新刊古今歲時雜詠卷第二十七

今詩

七夕

和公達過潘樓觀七夕市 温公

織女雖七襄不能成報章無巧可乞汝  
世人空自狂帝城秋色新滿市翠帟張  
偽物踰百種爛熳侵數坊誰家油壁車  
金壁照而光士偶長尺餘買之珠一囊  
安知杼柚勞何物為蚕桑紛華不足悅  
浮侈真可傷

七夕三首

宋景公

西南新月玉成鈎。帝。神光渡飲牛。  
素彩低浮承露掌。清香不散曝衣樓。  
天邊華幄催雲卷。星外橫橋伴



客愁莫使銀河到滄海。人間溝水易東流。  
開秋七夕到佳辰。里俗爭誇節物新。烏鵲橋頭已涼  
夜。黃姑渚畔暫歸人。裴回月御斜光斂。宛轉蛛絲巧  
意真。卜肆沉冥誰復問。年年槎路上天津。  
烏鵲橋頭羽蓋移。秋風長有隔年期。七襄終日難成  
報。不是星娥織作遲。

七月六日絕句

積雨古墻生綠衣。幽花點點弄秋姿。黃昏樓角看新  
月。還是年年牛女時。

七夕歌

張文潛

人間一葉梧桐飄。葶行秋回斗杓杓。神官召集役靈

鵲直渡銀河雲作橋。河東美人天帝子。机杼年年勞  
玉指。織成雲霧紫。真衣辛苦無歡容。不理帝怜獨居  
無與娛。河西嫁與牽牛夫。自從嫁後廢織紵。綠髮雲  
鬟朝暮梳。貪歡不歸天帝怒。謫歸却踏來時路。但令  
一歲一相逢。七月七日河邊渡。別長會少知奈何。却  
悔從前歡不多。忽忽萬事說未盡。燭龍已駕隨羲和。  
河邊靈官曉催發。令嚴不管輕離別。空將淚眼濕帝  
車。淚痕有盡愁無歇。我言織女君勿歎。天地無窮會  
相見。猶勝姒娥不嫁人。夜夜孤眠廣寒殿。

東園久不到。落葉曲池平。搖落遽如許。歲時真可驚。  
七月七日晚步園中見落葉如積有感而作



衡茅忘故里漁釣寄餘生放逐逢艱歲藜藿未敢輕

七月六日成二絕句

月落暗蛩啼不休五更白露曉悠悠西風是處皆搖  
落可是梧桐獨報秋

七夕

晏殊

百子池深漲綠苔九光燈迥綠浮埃天孫寶駕何年  
駐阿母磁輪此夜來空外粉筵和露濕靜中珠幌徹  
明開秋河不斷長相望豈獨人間事可哀

七夕詠懷

梅聖俞

織女無恥羞年々嫁牽牛牽牛苦娶婦娶婦不解留  
來徃一夕光奔々河漢秋輕傳人世巧未知何時休

喜鵲頭無毛截雲駕車輶老鴉少斟酌死欲同造舟  
明月不到曉是夜曲如鈎天意與物理注錯將何求  
嘗聞阮家兒犢鼻竹竿頭人生自有分豈媿曝衣樓

七夕

古來傳織女七夕渡明河巧意世爭乞神光誰見過  
隔年期已拙舊俗驗方訛五色金盤果蜘蛛浪作窠

七夕永叔內翰遺鄭州新酒言值內直

不暇相邀

詰朝持鄭醞向夕望星津俗意願添巧古心思變淳  
予窮少陵老公似謫仙人獨對金鸞月宮詞付小臣

七夕有感



去年此夕肝腸絕歲月淒涼百事非一逝九泉無處  
問又看牛女渡河歸

和黃預七夕

陳無已

盈盈一水不斯須經歲相過自怨踈坐待翔禽報佳  
會徑須飛雨洗香車超騰水部陳篇上收拾愚溪作  
賦餘信有神仙足官府我寧辛苦守殘書

跋胡德林七夕

張無盡

鼓盆新恨度良宵悵望仙娥未見邀會取天河離合  
意何曾靈鵲久成橋

七夕二首

范景仁

可憐風俗重秋期錦紅花香極所思乞巧樓中成底

事平明祇得玩蛛絲

少年重此夕漸老何所為與子思故鄉置酒同賦詩坐  
來霜露浚夜久星斗稀王宮直北里天外橫歌期

七夕作

錢易

天上人間重此宵新情舊恨兩迢迢漢宮露密罽  
冷秦殿燈深羯鼓焦香粉溟濛篩綺席蛛絲千萬絡  
烟霄牽牛何事勞烏鵲不使虹蜺駕作橋

七夕

宋白

織吹浮雲薦非因散巧樓靈傳不可覲仙漢淡悠悠

同前

楊億

天開翠帟暮氛消盤蕙朱煤惜易飄月出南樓蟾桂

長。笙來北里鳳簧調。巧蛛露。絲網倦鵲波橫一  
夕橋。晒腹曝衣傳故俗。阮庭布犢若為標。

七夕會飲呈郡僚

陶崇儀

嘉節惟今夕。無辭酒滿觴。短更侵永晝。殘暑化微涼。  
檀燧移新火。桐絲發少商。魁罡高北極。河漢入南方。  
世俗設容易。天家事渺茫。支機安用石。渡水不須梁。  
異說深無取。群疑久未亡。一朝傳者誤。千載習為常。  
戀去朱門鑲。賓來翠幄張。洗樽除舊味。剪燭出新光。  
玉漏傾寒滴。金爐曳暗香。綵綫星底下。巧綫月中央。  
笑感神仙語。羞為兒女狂。晨鐘掩殘醪。留得菊花黃。

七夕日宿長江

李新

去歲龍城樂事多。樓頭乞巧傍青娥。今年織女知何  
處。不見星郎送渡河。

七夕有感

東溪先生

匹婦投梭婿挽牛。思量乃是拙之尤。謀身未解離耕  
織。送巧爭能應禱求。世路果如針孔隘。華安藉網  
虫游。吾儕利鈍教誰辨。曷若哺糟枕豹。

七夕暮兩後小霽

喜事何人不願隨。清塵洒道贊心期。暮雲乍歇楚臺  
雨。新月即彎京兆眉。一夜光陰須愛惜。千門樓殿自  
粧褉。寰中風物知多少。異日陰晴不我知。

七夕暮雨



萬事求全即少全真工豈是不周旋莫嫌無月無星  
夜正是為雲為雨天上界未能無齟齬劇頭終不礙  
因緣明年檄取銀潢棹百幅綃帆謁海仙

七夕卧病二首

瀕秋暑更敲病客坐無聊飲伎惟烹藥靈妃亦渡橋  
餘生憂白髮幾度枉良宵寄語陰陽寇閑居可借饒  
明日涼風至今宵暑氣賒常娥知客病半夜伴雲遮遇  
景不能賞憂生徒自嗟何當逃世事移榻就烟霞

七夕罷後作二首

世罷天人共明河上下通流風隨漢水新巧試房櫳寓  
邸捐芻狗香囊秘網蟲明朝敲戶問勝拙是誰工

翠烟生飲帳零露上香山喜網蛛新布仙橋鵲罷還壺  
觴闌月下雲雨散人間莫吝終殘字秋風老醉顏

七夕四首

風吹北斗向西橫月映林梢只半明野鵲到天羗有  
分銀河瀉地悄無聲泛槎仙客今何在連理佳人卒  
改盟牛女盡歎寰海酌幾人心事是圓成

人事不相兼公違愛與嫌送窮貧自苦乞巧拙彌添世  
態規求甚天孫付與廉得多惟宦路贓賄奉權閹  
經年天上怨參商未抵人間一日長暫有生離無死  
別一年一度終何妨  
千里河橋雉扇開雲為車騎月為媒莫陪夫婿矜高




義曾嫁人間董允來

新刊古今歲時雜詠卷第二十七



中国国家图书馆  
NATIONAL LIBRARY OF CHINA



中国国家图书馆  
NATIONAL LIBRARY OF CHINA